

XUMATARI

Kemitiwaruni'airi Papuru

¹ Ne, Papuru, nekanixewairitiaka Kiritsitu Ketsutsi hetsiemieme nemiti'uximayatame, nemuta'inierie ni'ariekame nemayaniki, nemupatsie Kakaiyari niukieya 'aixia manuyine nemukuxataniki.

² Meripaiti Kakaiyari mipai kaniutayikaitini temeixeianikekaiki, Kakaiyari niukametemama yametekuxatakaku niuki mipatsietsie,

³ yuniwe xatati, tewi hikiti, nu'aya kaniutinuiwa Rawiri hetsie miyetia.

⁴ Mikite watsata manukukeki, tirikariyaki kaniukayerieni Kakaiyari Nu'ayatiti, 'Iyari Kakaiyaritsie mieme mitatsipata kemitikaye. Ketsutsi Kiritsitu kanixatakaitini mitati'aitiwame.

⁵ Mikiki 'aixia tepi'tiarie miki 'aixia tiuka'iyarikaku, teputani'ariexata para yunaiti nuiwarite yuri mete'erietu yamemitekahuniki, kemtitewaki me'eyexeyati.

⁶ Xemeta nuiwarite xekanihikiti xemuta'inierie Ketsutsi Kiritsitu teiterimama xemakineki.

⁷ Nekatinixe'uta'utirieni yunaime Xumatsie xemitama Kakaiyari mixenaki'erie, xemuta'inierie hetsiena mieme xemipatsieniki.

Kakaiyari mita'ukiyari meta Ti'aitame Ketsutsi Kiritsitu, 'aixia mekete'u'iyarini

xehetsiemieme, mekexepitiaka yu'iyaritsie
xemika'uximat'ariekaki.

Papuru kemiti'iwatam'ikikai Xumatsie

⁸ Merikitsi Ketsutsi Kiritsitu netsiparewiekaku
pamipariyutsi nekanipitiaka nekakaiyari meri
yunaime xehetsiemieme, naitsarie kwiepa
mikuxaxatsiwaki yuri kexemite'erie.

⁹ Ne'iyariki Kakaiyari hetsiemieme
nepiti'uximaya, niuki nu'aya hetsiemieme 'aixia
manuyine nekuxatati. Miki Kakaiyari mipai
pitihekiata, kenemitixeha'eriwa nekatihayewati
kepauka neminenenewie neheyemeki,

¹⁰ ne'iwawirieti nehuye 'aixia ke'uyurieni
'uxa'atini xehetsia nemumieki, xika mipai
tinakekani Kakaiyari.

¹¹ Waikawa nepinewairiya nexex-
eiyamiti, 'Iyaritsie mieme nemitixeminiki
xemituikariekaki,

¹² neta yakititi xehamatia neminewairiyaniki
yuri xemite'erieki xeme, neta yuri nemiti'erieki.

¹³ Ne'iwama mipai pinetinakenikeyu mipai
xemitemaikaki miixa kenemitinekuha'aritiwakai
xehetsia nemimieki, tsepa nemikapit'ariekai
hikike. 'Ikwaxi nemikaxeiyaki xehetsia, hipame
nuiwarite wahetsia nemeixeiya hepai.

¹⁴ Kaneuyeweka nemitiwataxatianiki
kiriyeekutsixi yatini memikakiriyeekutsixi,
temaiwawemete yatini memikatamaiwawe.

¹⁵ 'Ayumieme ne'iyari yapi'ane
nemixetaxatianiki niuki 'aixia manuyine xemeta
Xuma xemitama.

16 Nepika'itewiya niuki 'aixia manuyine, tirikariya kanihikitini Kakaiyari hetsia mieme, yunaiti yuri memite'erie memitawikweitsitarieniki kani'ayumiemetini, huriyutsixi meri, kiryekutsixi meta.

17 Xika yuri ti'erieka, miki niukitsie kanimatsiikikamiki Kakaiyari heitserie kemitiyupitiwa, para yuri miti'eriekaki, kemire'uxa: «Kemi'ane heitseriemeki yamitikamie, miki kanayenierkamiki yuri miti'erieki».

Teiteri wahetsie kemirahiwa

18 Matsi haxia kanimatsiikini, Kakaiyari taheima makawe kemitiheka naime teiteri kememiteyurie mekaheyexeyati heitseriemeki yamekatekahuti, miki memika'ihekiata tita yuri miraine heitseriemeki yamekatekahuti.

19 Tita mitiyiwe mitimaika Kakaiyari hepaitsita, miki kanimatsiikini wahetsia, Kakaiyari yakatini-waruxeyatsitiani.

20 Kwie munetiarietsie paiti hikike, tita mikatixeyariewe hepaitsitana, yuheyemeki kemititirikaiye kemitikakaiyari, miki katini-hekiaka metimatiwakai tita mitiutiwewi hepaitsita. 'Ayumieme 'atsimepikateyiwawe yuhetsiemieme memitiniuniki.

21 Kakaiyari mehetimaika, 'aixia mepika'utiyuanekai hepaitsitana Kakaiyari hepaitsita temutiyuane hepai. Pamipariyutsi mepika'ipitiakai, matsi yaki metekuxatati mekanakine mexi niuki mexiatiakai, wa'iyari 'atsikatimaiwekaku, kaniukuyire wa'iyaritsie.

22 Temaiwawemete meyuxatati 'at-simekatemaiwaweti mekanakine.

23 Kakaiyari mikapiniwe witsimi'ane, mekanipata tewi mipiniwe hepai tiyuxexeiyame memayexeianiki pita, wikixi wahepai, yeutari wahepai meta kuterixi wahepai tiyuxexeiyame.

24 'Ayumieme Kakaiyari kaniwayetuanu yu'iyaritsie mete'ukahiwe'eriekaku, para meka'itiyati memakineki, memitsewiximaniki yuwaiyari hipame wahamatia.

25 Kakaiyari yuri kemaine, miki mekanipata 'itarika memexeianiki pita. Tita mitiwewiya mepayexeiyakai, hetsiena mieme mepite'uximayataakai, mekaheyexeiyati kemi'ane mitiwewi. 'Aixia yemeki ketikihawariwani miki yuheyemeki, mipai xeikia kani'aneni.

26 'Ayumieme Kakaiyari kaniwayetuanu memihiwe'eriekaki tita mititewiyiki. 'Ukariri me'iku'eirieka tita 'ukari memiteyuruwa, 'uka hepai mekateyurieti mepaki.

27 'Ukitsi meta yaxeikia me'iku'eirieka 'ukari memiwakumaiwaniki, mepiyutaiyakai meyuhiwe'erieti, 'ukitsi 'ukitsi wahamatia yamepiteyuriekai kemititewiyiki. Yuwaiyaritsie mieme mepite'akapitiarie kemireuyewekai miyamete'uyurieka.

28 Mipai memikateku'eriwakaiki kename 'aixia 'ane Kakaiyari ma'eriwaniki, 'ayumieme Kakaiyari kaniwayetuanu kemikatinake yamemiteku'eriwaniki, kemikatinake memiteyuriekaki.

29 Mekanaye'axiani kemikatiheitserie meyiati, mewakumaiwati kemi'ane mikayi'iya

meta mikayikina, 'axametekuyuruwati,
naime metehiwe'erieti, 'axamete'u'iyariti.
Mekanihipinekaitini me'itetsati, meyukwiti,
meha'ati, meteyu'ir'iwiyati, niuki peraixi
memihikitikaiki.

³⁰ 'Awie niuki mekaniwewieka,
mekaniniukixieka, Kakaiyari mekani'uxieka,
mekatenitawe'erieka naime, mekananuye-
haitir'weni, mekateniyukatawe'erieka,
mekatenikuwaut'weni 'axakemitiuyurieniki,
yupaapama mepikawa'enie.

³¹ Yu'iyari mepika'enie warutate'akaku,
yamepikatekahu kememutiyuane, mepitsetse'i,
mepikayunitiarinia, mepikateyukanenimaya.

³² Miki metehetimaika tita Kakaiyari
mitixata tiheitserietime, kename yunaiti miya
memiteyurie wahetsie tinake memikwiniki 'utaiti,
miki matsi miya mekateniyurieka, matsipaiti
mekaninaki'aka hipati mipai meteyuriekaku.

2

Kakaiyari heitseriemeki kemitiwaranutaxiriwa

¹ 'Ayumieme, 'eki tsepa kepemipaiki
pemiiniukixie, 'ahetsiemieme pepikataniani.
Xeime kepemitiniukima, mikiki pepi'aniukima,
kariki yaxekata 'eki pekatiniyurieneni
kepemitiniukixie heki.

² Tame mipai tepitemate, Kakaiyari yuri haiti
miwaranutaxiriwaki miki miya memiteyurie.

³ ¿Kamitsi 'eki pemiwaniukima miki miya
memiteyurie, wahepai petiyurieneti keru
petiku'eriwa 'eki pemitawikweniki kepauka
Kakaiyari matsi'anutahianitsie?

4 ¿Kauka pe'ixani'erie kwini mieme 'aixia kemitiuka'iyari, kemitita'ikwewa, kemikatiyumexiitia. Kauka 'atsipekatimate Kakaiyari 'aixia mitiuka'iyariki para pemitihayewaniki kepemitiyuriene?

5 'Ekitsi 'a'iyari mitse'iki pemika'awariyaki pemitihayewaniki kepemitiyuriene, 'ahet-siemieme haxia pepu'utane, 'iya tukaritsieke kepauka pemiyehekarienitsie, kepauka matsiikiti mayani heitseriemeki kemitiwaranutaxiriwa Kakaiyari.

6 Kariki Kakaiyari «miki kememiteyurie katini-warakapitiamiki yuxexuime».

7 Miki mete'uka'eniwati 'aixia meteyurieti memitekuwautiwe witsime'ananeti kememite'akineki, 'aixia memitexeiyariekaki meta kememikatetipineki, miki kaniwapitiamiki yuheyemeki memayeneniereniki.

8 Mikitsi yuhetsiemieme xeikia memi'ayumiemete, yamemikatekahu tita yuri miraine hetsie, yamemitekahu tita mikatiheitserietsie pita, miki haxia kaniwapitiamiki wahekati.

9 Kaniwahiweritiamiki meta kaniwa'uximatiamiki yunaime teiteri yu'iyaritsie 'axamemiteyurie, huriyutsixi meri, kiriyekutsixi meta.

10 Kaniwapitiamiki witsime'ananeti memakineki, 'aixia memitexeiyariekaki meta yu'iyaritsie memika'uximatiariekaki katiniwapitiamiki yunaime 'aixia memiteyurie, huriyutsixi meri, kiriyekutsixi meta.

11 Kakaiyari yiki pikatiwaxeiya teiteri.

¹² Keyupaimeti 'iniari niukiyari mekahexeyati 'axamemite'uyuri, miki mepikwini 'iniari niukiyari mekahexeyati. Keyupaimeti 'iniari niukiyari mehexeyati 'axamemiteyurie, miki 'iniari niukiyari manuyine hepa mepanutaxiriyani.

¹³ Miki memi'enie xeikia 'iniari niukiyari, miki heitserie mepikahexeya Kakaiyari hixie. Miki yamemitekahu 'iniari niukiyari kemaine, miki pita heitserie mekanipitiariekuni.

¹⁴ Miki memikahuriyutsixi 'iniari niukiyari memikahexeya, kepauka yikimana yamemiteyurie kemaine 'iniari niukiyari, tsepa 'iniari niukiyari memikahexeya, 'iniari niukiyari mehexeyati mepakine yikimana.

¹⁵ Mikiri mepiyuhekiata tita 'iniari niukiyariki yamitiyuriene metehexeyati yu'iyaritsie miraye'uxa. Waiyari kememiteyumate katinihekiataani wahepaitsita. Yukimana yatiku'eriwati, yuhetsie katinahipani, yatini yuhetsie mitanuaniki.

¹⁶ Mipai katiniiyimiki 'iya tukaritsie kepauka Kakaiyari miwata'iwawiyatsie teiteri tita memite'uti'awietaxi hepaitsita Kiritsitu Ketsutsi warahiawekaku, neniuki 'aixia manuyine kemaine.

Huriyutsixi 'iniari niukiyari kememitehexeya

¹⁷ Merikite 'eki huriyu pemituteriwarie, yuri pemitierie 'iniari niukiyaritsie, pemi'ata'ire Kakaiyari hetsie petiwiya,

¹⁸ pemimate tita mitinake, pemitimaiwe tita 'aixia miti'ane pemituata'ikitiarieki 'iniari niukiyari hetsiememek,

19 pewaranukuhapame memakikipe
pemi'a'erie, hekariwiwame pemi'a'erie, yiwipa
memu'uwa wahetsiemieme,

20 ti'ikitame pemi'a'erie 'atsimemikatemate
wahetsiemieme, tiiri tiwa'ikitiwame pemi'a'erie,
'iniari niukiyari pehexeiyati pemituyemate meta
tita yuri miraine,

21 kamitsi 'eki xeime pemit'i'ikitia,
ʔpekati'a'ikitiata 'eki? 'Eki mipai pepitikuxata
kename 'aixia ka'ane xika tinawayani, merikite
ʔpetinawayaya 'eki?

22 'Eki mipai pemitikuxata kename 'aixia ka'ane
xeime 'iyaya mukumaiwaniki meta xeime kinaya,
merikite, ʔpetikumaiwa 'eki? 'Eki mipai pemaine
kename pewaxani'erie tetexi kakaiyarixiyari,
merikite, ʔwatukiteta petiunawa?

23 'Eki pemi'ata'ire 'iniari niukiyari
pemexeiyaki, merikite, ʔpe'ititsanati 'iniari
niukiyari Kakaiyari mariweme pekarayeitia?

24 Kamitsi, kemire'uxa: «Kemi'ane Kakaiyari
mihiki 'axakatinikuxaxatsiwani nuiwarite wat-
sata xekimana».

25 Xitekiya 'iniariyari kamaniparewieka
xika 'iniari niukiyaritsie yapetikamieni,
matsi xika 'iniari niukiyari petitsanati
peyaneni, tsepa xitekiya 'iniariyari pemexeiya,
peka'iniaritariiekame pepa'ayeitia.

26 Matsitsi xika kemi'ane 'iniari mikahexeiya
yatikamieni kemitiheitserie 'iniari niukiyari
kemainetsie, 'iniari tsepa mikahexeiya,
ʔ'iniaritariiekame kati'eriwani miki?

27 Kemi'ane yuwaiyaritsie xitekiyaki
mika'iniatsie, peru meye'atiwa 'iniari niukiyari

kemaine, miki 'ahetsie pırahıpani 'iniari niukiyari pemıtitsanaki, tsepa 'utiarikayari pemexeiya yatini tsepa 'iniariyari pemexeiya.

²⁸ Kemi'ane herie xeikıa huriyu tewiyari mihiki, miki huriyu pikahiki, kemi'ane herie xeikıa yuwaiyaritsie mi'iniaritariarie xitekiyaki, miki pika'iniaritariarie.

²⁹ Matsi kemi'ane yutaıta mihuriyu, miki pıta huriyu kanihikitini, kemi'ane yu'iyaritsie mi'iniaritariarie, miki 'Iyari maine hepai pıta pi'iniaritariarie, tsepa mika'iniaritariarie 'utiarika miti'eniiriiki hepai. Kemi'ane mipai mi'ane, teıteri witsimepıka'utiyuaneni hepaitıtana, Kakaiyari pıta witsipaineni hepaitıtana.

3

Tita rexeiya huriyu hipati memıkaheixeiya

¹ Merikite, ıtita rexeiya huriyu hipati memıkaheixeiya? ıKetiparewie xitekiya 'iniariyari?

² Waıkawameki piparewie, naimeki. Kamıtsi meri, huriyutsixi niuki Kakaiyari hetsia mimieme hepaitıta mepuhiritiarie.

³ Kete'aneni xıka hipati yamekatekahukaitini. ıKakaiyari yakatikamieti rayeitarieni miki yamemikatekahukaiki?

⁴ Pıkatıxaıtsieti. Matsi Kakaiyari tita yuri mirainetsie yaketikamieni, tsepa yunaiti teıteri memite'ıtawa, kemire'uxa:

«Para 'aniukiki pemımatsiikiniki heitserie
kepemırexeiya,

para pemire'a'iwaki kepauka
pemitaxanetsienitsie».

⁵ Merikitsi tame heitseriemeki
yatekatekahukaku xika matsiikiti 'ayani
Kakaiyari heitseriemeki kemitikamie,
¿kete'utiyuanenitsiari tame? ¿Kakaiyari
kemikatiheitserie tiyane haxiaki tarapinirienike?
(Tewi hepai nepitikuxata).

⁶ Pikatixaitsieti. Xika mipai 'anenike, ¿Kakaiyari
kehepai tiwata'iwawiyakeyu kwiepa memitama
'itsikame hepai?

⁷ Perutsi neti'itawakaku xika matsiikini
Kakaiyari kemitikamie tita yuri mirainetsie, matsi
yeme witsi'aneti mayaniki Kakaiyari, ¿titayari
neranutahiyani ne 'axatiyuruwame hepai?

⁸ Mipai kati'anenikkeyu matsi: 'ax-
atemitekihiawariwa hepai, hipati memutiyuane
hepai kename mipai tehaitika tame: «Kimi
'axatepityurieni 'aixia 'aneti mayaniki te'utiyuati
waniu». Heitseriemeki mekanixani'eriwani miki
mipai memutiyuane.

Pumawe kemi'ane heitseriemeki yamitikamie

⁹ ¿Merikite keti'ane? ¿Tame matsi 'aixia
tete'anene? Tixai yemeki. Tekateniutahekiata
huriyutsixi kiriyekutsixi meta yunaiti tita
'axamiti'anetsie kememitewiya,

¹⁰ kemire'uxa:
«Kemi'ane heitseriemeki yamitikamie
'apika'uyeika, nixewiti tima,

¹¹ kemi'ane mitimaiwe 'apika'uyeika,
kemi'ane Kakaiyari mikuwaune
'apika'uyeika.

¹² Yunaiti mepeuyexiri,

'axameteyurieti mepaki.
 Kemi'ane 'aixia ti'aneme mitiyuriene
 'apika'uyeika,
 xewiti tima pumawe».

13 «Waxiriwame miki teriya kanihikitini reuteniti,
 mepite'irima yuneniki».

«Xaye 'uayeya wateta payeka».

14 «Wateta pihine 'axa'anuyiti hatsiwiti».

15 «Yi'ikateki mepiyumexitia xuriya
 memitayeurieniki,

16 yuhuyeta mepite'uka'una
 mepiteyuiweritia,

17 huye hakewa mikatiyu'uximatia
 mepikahemaririe».

18 «Kakaiyari mepikahayemakaxe yuhetsia».

19 Hiki tame mipai tepitemate, naime 'iniari
 niukiyari kemaine, pitiwarutaxatia miki
 'iniari niukiyaritsie memitewiya, yunaime
 wateni muwaranunamirieniki, Kakaiyari
 miwataxanetaki yunaime kwiepa memitama.

20 Kakaiyari hixie 'iniari niukiyari kemaine
 yamitiuyuriki, mikiki nixewiti tewi heitserie
 pikapitarieni. Matsi 'iniari niukiyariki tita
 'axamiti'ane temitehetimaniki pi'ayumieme.

Heitserie kemitiptiariwa yuri miti'erieki

21 Hikiri matsi, matsiikiti kanayani Kakaiyari
 heitserie kemitiyupitiwa, tsepa 'iniari
 niukiyari mumawenike. 'Iniari niukiyari,
 Kakaiyari niukametemama waxapayari meta
 yakatinihekiatani.

22 Kakaiyari heitserie kemitiyupitiwa yuri
 ti'eriekaku Ketsutsi Kiritsitu hetsie, miki

kanimatsiikini, heitserie kemitiwapitia yunaime yuri memite'erie, yiki pikatiwaxeiya.

²³ 'Axamepite'uyuri yunaiti, yunaiti
mepika'aye'axiawawe Kakaiyari wit-
simitiwaxeiyaki,

²⁴ heitserie mepupitiarie mekate'utawawiyarieka
'aixia mitiuka'iyariki miki, Kiritsitu Ketsutsi
miwatixinaki.

²⁵ Kakaiyari kanikayeni 'itiya mawariyari
mayaniki xuriyayaki temiteheuyehiwiyarieniki
xika yuri tete'erieka. Mipai tiuyurieka matsiikime
kanayeitiani heitserie kemirexeiya, wahetsie
pikatihiia tita meripaiti 'axamemite'uyuri
hepaitsita, Kakaiyari mitinewiekaiki.

²⁶ Kanikayeni matsiikime mayeitianiki hiki,
heitserie kemirexeiya. 'Ayumieme miki heitserie
kanexeiyani, heitserie kanipitianita kemi'ane
'amuyeika yuri ti'erietu Ketsutsi hetsie.

²⁷ ¿Hikiri kehepai tiyuta'ireni yuhepaitsita?
Hawaiki pikayiwe. ¿Merikite ke'aneme
'iniariyariki piyiwe xeikia? ¿Kemitiyurieneki,
miki ti'iniariyari? Pikatixaitsietu. Yuri kemiti'erie,
miki kani'iniariyaritini pita.

²⁸ Tame 'ipai tekatenitamaika, teiteri heitserie
mekaniupitiarieni yuri memite'erieki, tsepa
yamemikate'uyurienike 'iniari niukiyari
kemaine.

²⁹ ¿Kamitsi Kakaiyari huriyutsixi xeikia
tiwakakaiyari? ¿Memikahuriyutsixita
katiwakakaiyari? Huu, memikahuriyutsixita
kaniwakakaiyaritini.

³⁰ Merikite, Kakaiyari kaniyuxewini. Heitserie
kaniwapitiamiki miki xitekiya 'iniariyari memex-

eiya, miki yuri memite'erieki. Heitserie kani-wapitiamikita miki xitekiyaki memika'iniaritariarie, miki yuri memite'erieki.

³¹ 'Ayumieme nepaine, ζTixaiti katihikitime tete-hayeitia 'iniari niukiyari xika yuri tete'erieka? Pikatixaitsieti. Tepitseiriya pita 'iniari niukiyari.

4

'Apirahami kemitiuyuri

¹ Merikite, ζkete'utiyuaneniri tita 'Apirahami mitiukaxei hepaitisita? Miki yateewa kanitapaapatini hetsiena temiyeki.

² 'Ipai teputyuane, xika 'Apirahami heitserie 'upitiarienike tixaiti mitiuyuriki, kaniyiwenikeyu muyuta'ireniki yuhepaitisita. Matsi Kakaiyari hixie pikayiwe.

³ ζKehaine 'utiarika xapayari? «'Apirahami Kakaiyari yuri katiniuta'eririeni, 'ayumieme Kakaiyari heitserie hexeyakame kanayeitiani» paine.

⁴ Kemi'ane mitiuta'uximayataxi, tita miti'iwa 'imikieri pika'eriwa, peuyewetse matsi mitipitiarieniki.

⁵ Kemi'ane pita 'atsikatiyurieneti yuri miti'erie 'iyatsie, heitserie muwapitiatsie kemi'ane Kakaiyari memikahayexeiya, miki heitserie hexeyati kanimariwani yuri miti'erieki.

⁶ Rawirita mipai kanaineni tewi kemitiyutemawie hepaitisita, kepauka Kakaiyari heitserie hexeyame mayeitia, tsepa tixaiti mikatiuyurienike:

⁷ «Mekaniyutemamawieka kemi'ane

memiteheuyehiwiyarieni 'iniari ke-
 memite'utitsanaxiki,
 meta kepauka tita 'axamemite'uyuri
 miranukanamieni.

⁸ Kaniyutemawieka miki tewi,
 Ti'aitame xika 'axatiyurieneme ka'erieka».

⁹ Merikite, ¿ipai meteyutemamawie
 miki xitekiya 'iniariyari memexeiya
 xeikia? ¿Miki memika'iniaritarieta, mipai
 mekateyutemamawie? Mipai teputiyuane,
 'Apirahami yuri miti'eriekaiki, 'ayumieme
 heitserie hexeiyati kanimariwakaitini.

¹⁰ ¿Ketiurieneti mipai pitimatiwakai? ¿Xitekiya
 'iniariyari rexeiyakai 'ana, pikaheixeyakai
 nutsu? Xitekiya 'iniariyari pikahexeiyakai, matsi
 pika'iniaritariewekai 'akuxi.

¹¹ Xitekiya kaniutanaki'erieni 'iniari
 mihikitiniki. Kaniutseyumarieni heitserie
 mupitarieki yuri tiuta'erieka mexi xitekiya
 'iniariyari kahexeiyakai. 'Ayumieme yunaiti yuri
 memite'erie xitekiya 'iniariyari mekahexeiyati,
 miki wapaapa kanayani, miki heitserie
 mehexeiyati memimariwaniki.

¹² Mikita xitekiya 'iniariyari memexeiya wa-
 paapa kanayani, miki xitekiya 'iniariyari memex-
 eiya xeikia pikatixai, matsi miki yamemitekahuta
 tapaapa 'Apirahami huyetana yuri kemiti'eriekai
 xitekiya 'iniariyari kahexeiyati.

¹³ Kepauka 'Apirahami mipai mitiutahiawarie,
 niwemamata, kename wahetsie tinakekekai
 naiti kwie, 'iniari niukiyari hexeiyati mipai
 pikatiutahiawarie. Heitserie 'upitarieka pita
 yuri mitiuta'eriki, mipai pitiutahiawarie.

14 Xikari miki 'iniari niukiyaritsie memitewiya wahetsie tinakenike, xianaki xeikia yuri tepite'eriekakeyu, yaki xeikia mipai pitiutahiawarienikeyu miki.

15 'Iniari niukiyari haxia pitiyupitiwa. 'Iniari niukiyari kaxuawekaku, pikatitsanariwa.

16 'Ayumieme yuri ti'eriekaku mipai kani'aneni, para mipai mitiyiniki miki 'aixia tiuka'iyarikaku, tita mititaxatia mitseiriyarieniki yunaime niwemama wahetsiemieme, miki 'iniari niukiyaritsie memitewiya wahetsiemieme xeikia pikatixai, matsita miki 'Apirahami hepai yuri memite'erie wahetsiemieme, miki tanaime kanitapaapatini,

17 kemire'uxa: «Ne yumireme nuiwarite wapaapa nepimatsi'ayeitia». Kakaiyari hixie yuri pemituata'eriki, kemi'ane mikite miwaranutanieritiwa, meta kemi'ane mitititeriwa tita 'emikatiuwe mitineniki, miki hetsie.

18 Miki kemikatiyiwekai yuri miti'eriekaki ta'ikwewati, ta'ikwewati yuri katini'eriekaitini. 'Ayumieme yumireme nuiwarite wapaapa kanayani, mipai kemitiutahiawariekai: «Mipai meyupaimeti mekanakinikuni 'aniwema».

19 Pika'utaweranaxia yuri ti'eriet, tsepa me'eriwakai yuwaiyari kemitimiximekai 'etsi-watikaku xeitsienituyari wiyari mexeyakaiki, yatini tsepa me'eriwakai Tsara mikayiwekai mitiniweniki.

20 Pika'u'iyiri yiki tiku'eriwati tita Kakaiyari mititaxatia hetsiena mitinakekekaiki, miki hepaitita, yuri kati'eriet pikahatia. Matsi yuri kemiti'eriekai pitirikariyariekai, Kakaiyari mariweme 'ayeitiati.

²¹ Mipai pitiyumaikai, Kakaiyari miyiwekaiki kemititahiawixi yamitiyurienikekaiki.

²² 'Ayumieme heitserie pitiariekame kani'eriwakaitini, yuri miti'eriekaiki.

²³ Kemit'eriwakaiki 'Apirahami, hetsiena mieme xeikia pikaraka'utiarie,

²⁴ matsi tahetsiemiemeta mipai pitu'utiarie. Mipaita tame tepitematiwa yuri temite'erie kemi'ane mikite watsata menukuketia Tati'aitiwame Ketsutsi, miki hetsie.

²⁵ Miki piyetuiya mumierieniki tita 'axatemite'uyuriki meta panukuketiarie heitserie temipitiarieniki.

5

Tita temitehexeiya heitserie temupitiarieki

¹ Merikite heitserie temupitiarieki yuri tete'eriet, 'ayumieme 'aixia tekatenitaxeiyani Kakaiyari hamatia, Tati'aitiwame Ketsutsi Kiritsitu yatatipitiakaku.

² Miki yatatipitiakakuta, yuri tete'eriet mipai tekani'itiarieka, Kakaiyari 'aixia katiniuka'iyarini tahetsiemieme. 'Atepi'ti'u 'iya 'aixia tiuka'iyarikaku. 'Aixia tepitetakihawe yuri temite'erieki teta'ikwewati Kakaiyari witsimitatixeyaniki.

³ Miki meta, 'aixia tepitetakihawe temi'uximatiarieki mipai tetemaiti, xika te'uximatiarieka, tete'uka'eniwati tepitseiriyarieka.

⁴ Xika tete'uka'eniwati tetseiriyarieka, te'iniatsiet tepakine. Xika te'iniatsieka,

teyiwaweti tepakine yuri temite'eriekaki teta'ikwewati.

⁵ Mipai teteta'ikwewati xika yuri tete'erieka, tepikatewiyatsitarieni, Kakaiyari ta'iyaritsie mitihiniyaki tatsinaki'erieti, 'Iyari Mitiyupata temupitariie yatiyurienekaku.

⁶ Kiritsitu, kepauka tame temuwer-aranikai 'akuxi, kaniumini tame Kakaiyari temika'ayexeia tahetsiemieme, tukari 'aixia mi'ane 'anuyeyaku.

⁷ Kanikwaniweni haweri mieme xeikia xewiti miminiki tewi heitseriemeki yamitikamie hetsiemieme. Pikari yuwariyanikeyu 'atsita muminiki tewi 'aixia mitiuka'iyari hetsiemieme.

⁸ Matsi Kakaiyari 'ipai tiuyurieka matsikime kanayeitiani kemitatinaki'erie, Kiritsitu tahetsiemieme mumiki tame 'axateteyuriekaku 'akuxi.

⁹ Xuriyayaki heitserie temupitarieki hiki, matsi waikawa miki pitatsitawikweitsitiani temikahekariekaki.

¹⁰ Te'eye'uniekaku Kakaiyari nu'aya mumiki, tepupatsie 'aixia temitetaxeianiki Kakaiyari hamatia. 'Ayumieme 'aixia tetetaxeiyati, matsi waikawa tepitawikweitsitarieni miki mayeniereki.

¹¹ Miki meta, 'aixia tepitetakihawe Kakaiyari teha'eriwati Tati'aitiwame Ketsutsi Kiritsitu yamitiuyuriki. Miki kanihikitini kemi'ane mitatsi'upataxi 'aixia temitetaxeianiki.

'Arani Kiritsitu hepai kemi'ane

¹² Merikitsi tita 'axamiti'ane katiniuneni kwiepa tewi miyuxewikai 'axamitiuyuriki,

'axamitiuyuriki kaniumini, mipairita 'ayumieme yunaiti teiteri mekwi'iti mekanakine, yunaiti 'axamemite'uyuriki.

¹³ Iniari niukiyari kaxuawekaku 'akuxi, kwiepa memitama 'axamepityuriekai. Peru 'iniari niukiyari kaxuawekaku, tewitsie pikarahiwa 'axaxikatiuyurieni.

¹⁴ Matsi 'Arani 'amuyeikakaitsie paiti meta Muitsexi, yunaiti yamete'upitiarieka mepukwi, tsepa hepaina 'aitsika memika'utitsanaxiakai 'Arani hepai. Miki 'Arani kemi'ane 'umamienikekai kani'iniarieyatikaitini.

¹⁵ Peru 'axamitiuyuriki, mipaita yaxeikia tepikate'umikie. Miki miyuxewikai 'axamitiuyuriki, hipati mepukwi, peru matsi waikawa 'aixia pitiuka'iyari Kaka'iyari, matsi waikawa mepite'umikie, xewiti tewi Ketsutsi Kiritsitutiti 'aixia tiuka'iyariti kemitiitimiriya'xi 'imikieri hipame wahetsiemieme.

¹⁶ Tita mitiwarumi, miki mipai pika'ane kemitiuyi kepauka miki miyuxewikai 'axamitiuyuri. Yuxewiti 'axamitiuyuriki, kananutahi'iyani hetsiena rahiyaku. Matsi kemitiwarumi mi'ixa 'axamete'uyurieku, heitserie mekaniupitarieni pita.

¹⁷ Yuxewiti 'axamitiuyuriki, yunaiti mepuyuitarie memikwi'ini xeimeki. Matsi waikawa miki memiyuwairiya memitanaki'erieniki kwinimieme 'aixia kemitiuka'iyari 'iya, kemitiimiriya'xi yu'imikieri heitserie wapitiatu, miki me'ayeneniereti mepite'aitani tewi miyuxewi Ketsutsi Kiritsitutiti mipai mitiuyuriki.

¹⁸ 'Ayumieme, xewiti 'axamitiuyuriki

kememite'anutaxiriya yunaiti teiteri,
mipairita yaxeikia yunaiti teiteri heitserie
mekaniupitarieni memayeneniereniki, xewiti
heitseriemeki yamitiuyuriki.

¹⁹ Xewiti tewi yakatikamieti, hipame
'axateyuruwamete kemitiwarayeitia, mipairita
yaxeikia xewiti yamitikatiaki hipame heitserie
mehexeiyaame kaniwarayeitiamiki.

²⁰ 'Iniari niukiyariri punua matsi yemeki
mitamireki tita 'axamiti'ane. Peru matsi yemeki
tiutamiriyaku tita 'axamiti'ane, 'anata Kakaiyari
matsi kwinimieme 'akuxi 'aixia pitiuka'iyarikai,

²¹ tita 'axamiti'ane kemitiwakuyuitiwakai
wakwiti, mipairita yaxeikia Kakaiyari 'aixia
tiuka'iyariti kaniwayuitiamiki heitserie wapitiati,
tukari mikaxiwe wapitiati, Tati'aitiwame Ketsutsi
Kiritsitu yatiwapitiakaku.

6

*Ketemite'ukwi 'axatemikateyuriekaki,
ketemite'ayeneniere Kiritsitutsie tetewiyati*

¹ ¿Merikite kete'utiyuaneniri? ¿Mipai
'axateteyurieti tetetahayewani, 'iya matsi
kwinimieme 'aixia mitiuka'iyariniki?

² Pikatixaitsieti. Tameri temukwi para 'ax-
atemikateyuriekaki, ¿keri tete'ayeneniereni mipai
teteyurieti?

³ ¿Kari 'atsixepikatemate, tame ketapaimeti
temuka'iyarie Kiritsitu Ketsutsi hetsie
temitewiyaniki, tame tekate'uka'iyarie hepaina
temikwiniki?

⁴ 'Ayumieme hamatiana tepukateukiexia mipai
tete'uka'iyarieka temikwiniki, para yaxeikia

hepaína temu'uwaniki te'utihewariyarieme ketemiteyurie te'ayeneniereti tameta, mipaita Kiritsitu manukuke hepai mikite watsata ta'ukiyari witsimi'ane 'enukuketiaka.

⁵ Kepauka hepaina temukwi hamatianata tekaniyutaxewire. 'Ayumieme matsita hepaina tekananuku'uikuni.

⁶ 'Ipaí tepitemate, ketemi'anenekai matiari paiti, tekaniukwi'iwa hamatiana kuruxitsie, mika'unarieniki tita 'axatemite'uyuri tawaiyarit-sie, tawari wairiyarika temikate'uximayakaki tita 'axamiti'anetsie mieme.

⁷ Kemi'ane mimiki, miki heitserie pexeiya 'axamikatiyurieneniki.

⁸ Tame Kiritsitu hamatia temukwiki, 'ayumieme yuri tekateni'erieka hamatiana temayeneniereniki.

⁹ Mipai tepitemate, Kiritsitu mikite watsata 'anukukeka hutarieka pikamini. Pikayiwe mikuyuitiarieniki muminiki.

¹⁰ Kemitiumi, tita naime 'axamiti'ane hepaitsita kaniumini xeimieme. Kemirayeniere, Kakaiyari hetsiemieme kanayeniereni.

¹¹ Xemeta yaxeikia mikite xekeneyu'erieka 'axaxemikateyuriekaki, xe'ayeneniereti pita xekeneyu'erieka Kakaiyari hetsiemieme, Tati'aitiwame Kiritsitu Ketsutsitsie xetewiyati.

¹² 'Ayumieme xewaiyari mumiximetsie xe'u'uwati, xepikakuyuitiarieni 'ax-axemiteyuriekaki yaxemitekahuniki kemitiukahiwe'erie xewaiyari.

¹³ Xepika'iyetuaniri yuwaiyari para kimana 'ax-axemiteyuriekaki heitseriemeki yaxekatekahuti.

Matsitsi miki memanutanenierixi mikite watsata wahepai xeyiati, xekeneyuyetuaka Kakaiyari mixekuyuitiirieniki xewaiyari, heitseriemeki yatiyurieneti.

¹⁴ Xepikayiawaweni xemikuyuitiarieniki 'axaxemiteyuriekaki, 'iniari niukiyari mitixe'aitiaki xepikayia. Kemi'ane 'aixia mitiuka'iyari mitixe'aitiaki pita xekaniyiaka.

Ketemite'uximaya tita mitiheitserietsie mieme

¹⁵ ¿Kamitsi ke'aneni? ¿'Iniari niukiyari mikatati'aitiaki, kemi'ane 'aixia mitiuka'iyari pita mitati'aitiaki, 'ayumieme 'axateteyurieka? Pikatixaitsieti.

¹⁶ ¿Kari 'atsixepikatemate, kemi'ane hetsia xemiyuyetua xemite'uximayakaki 'iyatsie mieme yaxemitekahuniki kemaine, wairiyarika te'uximayatamete xepihiki kemi'anetsie mieme yaxemitekahu kemaine? Xika tita 'axamiti'anetsie mieme xete'uximayaka, xekanikwikuni, mexika xete'uximayaka yaxetekahuti Kakaiyari kemaine, heitserie xehexeyiati xekanakinikuni.

¹⁷ Pamipariyutsi nepipitia Kakaiyari, tsepa tita 'axamiti'anetsie mieme xemite'uximayakai, yu'iyariki yaxetekahuti xekanakine kexemiteyeturiyarie yaxete'ikitiarieti.

¹⁸ Xe'utixinarieka 'axaxemikateyuriekaki, tita mitiheitserie hetsiemieme xete'uximayati xekanakine.

¹⁹ Tewi hepai nepitikuxata xemiwerraniki teiteri wahepai xete'u'iyariti. Xepiyuyetuakai xewaiyari miti'uximayakaki tita mikati'itiyatsie mieme tita 'iniari mitititsanatsie mieme, 'iniari xemititsananiki. Hikirita yaxeikia xekeneyuyetua

xewaiyari miti'uximayakaki tita mitiheitserietsie mieme, Kakaïyari hetsiemieme xemipatsieniki.

²⁰ Kepauka tita 'axamiti'anetsie mieme xemite'uximayakai, xepuxixinikai tita mitiheitserie hepaitsita.

²¹ ¿Kexete'utixuxuawerekai 'ana? Hiki xepiyutetewiya miki hepaitsita, kemi'ane mipai mitiyuriene, miki mikiti kanayeimiki.

²² Hiki pita xe'utixinarieka 'ax-axemikateyuriekaki, Kakaïyaritsie mieme xete'uximayati, 'ayumieme xeputixuxuawere xemipatsieniki 'iyatsie mieme. Kemi'ane mipai mitiyuriene, miki tukari mikaxiwe hexeiyaati kanayeimiki.

²³ Kamitsi, kemi'ane 'axamitiuyuri, miki miyaki 'apirapiniyarieni, peru 'imikieri Kakaïyari mitatsiyetuirie, tukari mikaxiwe kanihikitini Tati'aitiwame Kiritsitu Ketsutsi hetsie tetewiyakaku.

7

Memineneike wahetsie kemitimatsiki 'ikitsika

¹ Ne'iwamarixi, xeme xemitemate kemititita 'iniari niukiyari, nepitixetaxatianikeyu. ¿Kari 'at-sixepikatemate, 'iniari niukiyari piti'aitia tewi mexi 'ayeniene xeikia?

² 'Iniari niukiyari kemaine, peuyewetse 'uka mirekakina yikinatsie mitiwiyaniki mexi 'ayeniene kinaya, peru xika kinaya 'umini, pixine, 'iniari niukiyari rakina mixata 'atsipikahaine hepaitsitana.

³ Merikite, xika xeime 'uki hetsie tiwiyani mexi kinaya 'ayeniene, “'uka mikumaiwa kemi'ane

mikayikina” katinitateriwariemiki. Peru xika 'umini kinaya, puxinarie, 'iniari niukiyari 'atsipikahaineri hepaitsitana, 'ana xika xeime 'uki 'utiwitini, 'uka mikumaiwa kemi'ane mikayikina pikahikitiniri.

⁴ Mipaita yaxeikia, xeme ne'iwama, Kiritsitu yuwaiyaritsie mumierieki, xemeta xekaniukwi'iwa 'iniari niukiyari 'atsimikahaineniki xehepaitsita. 'Ayumieme xeimetsie xepitewiya, kemi'ane mikite watsata manukuketsie, Kakaiyari hetsiemieme temutixuxuawereniki.

⁵ Kepauka teiteri wahepai temite'u'iyarikai, 'axaketemiteyuriekai tetetakahiwe'eriet, tawaiyari kaniukuyuitiariwakaitini, 'iniari niukiyari yatatikuyuitiwakaku, mipai teteyuriet temikwiniki tekateniyuriekaitini.

⁶ Hikiri tekanixixinini, 'iniari niukiyari 'atsipikahaine tahepaitsita temukwiki tita mitatiwiyakai mikatatsiwiyakiri. 'Ayumieme hekwameki 'Iyari kemaine tekateni'uximayaka, 'utiarika ye'imeki kemiti'eniiriki pita tepikate'uximaya.

Tita 'axamiti'ane nehetsie kemitiyeka

⁷ ¿Kamitsi keri te'utiyuaneni? ¿'Iniari niukiyari 'axamiti'ane tihiki? Pikatixaitsiet. Matsi xika 'iniari niukiyari kaxuawenike, ne nepikaretimanikeyu 'axakenemitiyuriene. Hiwe'erika nepikahetimanikeyu xika 'iniari niukiyari mipai ka'anuyinenike: «Pepikati'akahiwe'erieka».

⁸ 'Aitsikayari muxuawekaiki, tita 'axanemitiuyuri kanitsutiani netsikuyuitiwati

para naimeki nemitinekahiwe'eriekaki. Xika 'iniari niukiyari 'umawenike, tita 'axamiti'ane pimikinikeyu.

⁹ Netsi heiwa 'iniari niukiyari nekahexeyati 'anepuyeikakai. Kepauka 'aitsika minetsi'u'axixi, tita 'axanemitiyurienekai kananutaniere. Neri nekaniumini.

¹⁰ Miki 'aitsika minetsi'anutanieritianikekai, kenemititaxe, miki kaneniumieni pita.

¹¹ Peru 'aitsika muxuawekaiki, tita 'axanemitiuyuri kanitsutiani neti'iriwiya, miki 'aitsikaki kaneniumiemi.

¹² 'Ayumieme 'iniari niukiyari Kakaiyari hetsia kanimiemetini, 'aitsikata hetsiana pimieme, piheitserie, 'aixia pi'ane.

¹³ Kamitsi, miki tita 'aixia miti'ane nehetsiemieme nemiminiki 'ayumiemeyari ratia? Pikatixaitsieti. Matsi, para mimatsiikiniki 'axakemiti'ane, tita 'axanemitiuyuri kaneniumieni, 'ikuyuitiwati tita 'aixia miti'ane. 'Ayumieme 'aitsika muxuawekaiki, kwinimieme 'axa'aneti kanayani tita 'axanemitiuyuri.

¹⁴ Tame tepitemate, 'iniari niukiyari 'iyaritsie pimieme. Ne pita teiteri wahepai nepitiuka'iyari xeikia. Tita 'axamiti'ane pinetsi'unanai.

¹⁵ Nepika'imate tita nemitiyuriene. Tita minetinake yanepikatiyuriene, matsi tita pita nemiti'uxie yanepitiyuriene.

¹⁶ Hiki meriki, xika tita mikanetinake yanetiuriene, 'ayumieme 'aixia nepitixeiya 'iniari niukiyari, kename 'aixia'ane ne'utaiti.

¹⁷ Hiki neri nepikahiki kemi'ane mipai mitiyuriene, matsi tita 'axamiti'ane nehetsie

mitiyeka, miki yapitiyuriene.

¹⁸ Ne nepitimate, nehetsie tita 'aixia miti'ane mikatiyeka, teiteri wahapai kenemitiuka'iyari. 'Aixia nepitiyurienenikeyu peru nepinetexie 'aixia kenemitiyurienikeyu.

¹⁹ 'Aixia kenemitiyurienikeyu, mipai nepikatiyuriene. Matsi 'axak-enemikatiyurienikeyu, mipai pita nepitiyuriene.

²⁰ Merikite xika yanetiyurieneni kemikanetinake, neri mipai nepikatiyuriene, tita 'axamiti'ane nehetsie mitiyeka pita yapitiyuriene.

²¹ 'Ipai nepiretima 'iniari hepaitsita: kepauka neminewairiya 'aixia nemitiyurieniki, tita 'axamiti'ane nehetsie 'apuwe.

²² Kenemitinemate ne'iyaritsie, nepinetemawie Kakaiyari 'iniari niukiyarieya hepaitsita,

²³ peru 'iniari yiki 'aneme nepixeiya newai-yaritsie tiwiame. Miki 'iniari, kenemitinemate 'iniariyari hamatia mepuyukwitiwe. Miki 'iniari 'axami'ane newaiyaritsie mitiwiya pinetsi'owi.

²⁴ Ne xia'ui nepi'uximatiarie. ¿Kemi'ane pinetsitawikweitsitani 'iki kaxari kemitiumi?

²⁵ Pamipariyutsi nepipitia Kakaiyari, Ketsutsi Kiritsitu mitati'aitiwame netsiparewiekaku.

'Ayumiemi, kenemitinemate, nepiti'uximaya Kakaiyari 'iniarieyatsie miemeki, teiteri wahapai kenemitiuka'iyari pita, nepiti'uximaya 'iniari 'axami'anetsie mieme.

8

Ketemite'ayeneniere Iyaritsie tetewiyati

¹ 'Ayumieme hikirixia miki Kiritsitu Ketsutsi hetsie memitewiya mepika'anutaxiryaniri, miki

'amemika'u'uwa teiteri wahepai mete'u'iyariti, 'Iyari pita kemaine 'amemu'uwa.

² Miki 'iniari kimana 'Iyari tukari mipitia kemi'ane Kiritsitu Ketsutsi hetsie mitiwiya, miki pinetsi'uxinaxi, mikanetsikuyuitiwaniki miki 'iniari kimana 'axanemitiyurienekai, kimana nemumi.

³ 'Iniari niukiyari kemikatiyiwekai, kemitiweranikai temiteiteriki, Kakaiyari pita kanenutahiani tita 'axamiti'ane kememiteyurie teiteri wahepai mete'u'iyariti. Kanenutahiani yuniwe heyen'aka teiteri 'axamemiteyuruwa wahepai 'aneme, heiyen'aka tita 'axamiti'ane hepaitsita.

⁴ Mipai katiniuyurieni, tita mitiheitserie 'iniari niukiyari kemaine maye'atiarieniki tahetsie, tame 'atemika'u'uwa teiteri wahepai tete'u'iyariti, 'Iyari pita kemaine 'atemu'uwa tahetsie.

⁵ Miki teiteri wahepai mete'u'iyariti 'amemu'uwa, miki teiteri wahepai mepiteyumate. Miki 'Iyari pita kemaine 'amemu'uwa, miki 'Iyari hepai mepiteyumate.

⁶ Xika teiteri wahepai tiyumaika, kanimimiki. Xika 'Iyari hepai tiyumaika, kanayenierekamiki, yu'iyaritsie pika'uximatariieka.

⁷ Kemi'ane teiteri wahepai mitiyumate, miki Kakaiyari kani'uxieka. Yapikatikamie Kakaiyari 'iniarieyatsie, meta mipai pikayiwe.

⁸ Miki teiteri wahepai memite'u'iyari, miki Kakaiyari meminaki'atsitaniki mepikayiwawe.

⁹ Xemeri teiteri wahepai xepikate'u'iyari. 'Iyaritsie pita xepitewiya, xikate Kakaiyari 'Iyarieya xehetsie yekani. Xika xewiti Kiritsitu

'Iyarieya kahexeiyani, miki Kiritsitu hetsia pikamieme.

¹⁰ Xika Kiritsitu xehetsie tiwiyani, xewaiyari kanimikini 'axaxemite'uyuriki, xe'iyari matsi kanayeniereni heitserie xemupitiarieki.

¹¹ Kemi'ane menukuketia Ketsutsi mikite watsata, miki 'Iyarieya xika xehetsie yekani, kemi'ane menukuketia Kiritsitu Ketsutsi mikite watsata, mikititi kanenutanieritiamiki xewaiyari kwikwi'ime, 'Iyarieya xehetsie miyeka yatiyurienekaku.

¹² 'Ayumieme ne'iwama, tixaiti pireuyewetse yatemitayuriekaki. Peru pikaheuyewetse teiteri wahepai temiyiakaki kememite'u'iyari, 'ate'u'uwati teiteri kememite'u'iyari.

¹³ Xika 'axe'u'uwani teiteri kememite'u'iyari, xepikwini. 'Iyari xeparewiekaku xika xe'imieni tita yuwaiyaritsie mitiyuriene tewi, xekanayene-nierekakuni.

¹⁴ Keyupaime Kaka'iyari 'Iyarieya miwarawitiki, miki Kaka'iyari niwemama mekanihikitini.

¹⁵ Xeme 'iyari xepika'utanaki'eri wairiyarika xemite'uximayakaki hetsiena mieme, tawari xemimamakaki. Xekanitanaki'erieni 'Iyari Kaka'iyari niwemama mixe'ayeitia pita. Mikitsie tetewiyati mipai tepite'uhiwa: «Nepaapa».

¹⁶ Miki 'Iyari ta'iyari hamatia 'axeikia mepitehekiata kename Kaka'iyari tairiyamama tehiki.

¹⁷ Xika teniwemamatini, tixaiti tahetsie pitinakeni. Tita Kaka'iyari mitatimini tahetsie pitinakeni, Kiritsitutsie kemitinakenita,

xikate hamatiana tete'ukwine, hamatianatari witsite'aneneti temayeitiarieniki.

Witsimiti'ane 'uxa'atini timieme

¹⁸ 'Ipai nepitiku'eriwa, ketemitekwine hiki, miki tixaiti katihikitime tepi'erieka kepauka temixeitsitiarieni witsimiti'ane 'uxa'atini timieme.

¹⁹ Naiti mitiunetiarie pita'ikwewa Kakaiyari niwemama mematsikiti memakineki, kwiwax-eiyamiti.

²⁰ Tita mitiunetiarie witsikemi'anekai kaneuyehiani, miki mipai mitiyuwairiyakaiki mipai pikatiuyi. Kemi'ane mipai 'aneme meyeitia yamitiuyuriki pita putiuyi. Ta'ikwewati xeikia yuri katini'erieka.

²¹ Tita mitiunetiarie 'ayumieme pixinarieni, tita mitipiniwe mikati'aitiakakiri, matsi Kakaiyari niwemama witsimemi'anene wahepai xiniti mayeitiarieniki.

²² Mipai tepitemate tinaiti mitiunetiarie yaxeikia yunaiti mepa'aiwatika, hukame mitiukakukuine hepai tiniwerimeti.

²³ Miki xeikia hawaiki, matsi tameta 'Iyari temexeiya tita 'umiramietsie miemetime, tsiere tataita tekana'aiwatikani teta'ikwewati Kakaiyari niwemama temakineki kepauka tawaiyari mixinarieni.

²⁴ Mipai yuri tete'erietiteta'ikwewati teputawik-weitsitiarie. Peru xika 'ixeiya tita mititakwewie, matsi pika'itakwewieri. ¿Keri titakwewieka tita mitixeiya?

²⁵ Peru xika te'itakwewieka tita temikatexeiya, tekanita'ikwewani tete'uka'eniwati.

26 Mipairita yaxeikia 'Iyari pitatsiparewie ketemitewerarani. 'Atsitepikatemate tita temite'itawawirieni kemireuyewetse. Miki 'Iyari matsi tahetsiemieme kanitawawiriwani Kakaiyari, ha'aiwati niukiyari kemikatixuawe.

27 Kemi'ane ta'iyari mita'iniata, miki katinimaika kemitiku'eriwa 'Iyari, miki 'Iyari mititawawiriwaki Kakaiyari kemitinake, Kakaiyari hetsiemieme memupatsie wahet-siemieme.

Yemekî ketemitehe'iwa naimé

28 Tame mipai tekatenimaika, kemi'ane Kakaiyari meminaki'erie, miki kaniwaparewieka, naimé tikuyuitiwati para 'aixia memi'itiarieniki miki memuta'inierie, miki kemitiyuriemikikaiki meripaiti.

29 Miki meripaiti miwamaikai, miki nu'aya hepai me'aneneme piwarayeitiamikikai meripaiti, 'iya yumireme 'iwamarixi wamatsika mayaniki.

30 Miki meripaiti miya me'aneneme miwarayeitiamikikai, miki kaniwaruta'inieni. Miki miwaruta'ini, heitserie kaniwarupitiani. Miki heitserie miwarupitia, witsime'aneneme kaniwarayeitiani.

31 ¿Keri te'utiyuaneni xika mipai 'aneni? Xika Kakaiyari tatsinaki'erieka, ¿kepaiki pitatsi'uxiwe'erieka?

32 Kemi'ane yuniwe mika'utawikweitsitia, miyetua pita tanaime tahetsiemieme, miki hamatiata naimé pitatimini.

³³ ¿Kepaiki piwaxanetani miki Kakaiyari miwaranuyexei? Kakaiyari kanihikitini kemi'ane heitserie miwarupitia.

³⁴ ¿Kepaikiri piwaranutaxirieni? Kiritsitu Ketsutsi kanihikitini kemi'ane mumi, kemi'ane matsi manukuke, kemi'ane Kakaiyari tserieta makaka, kemi'aneta tahetsiemieme mitawawiriwa.

³⁵ ¿Kepaiki pitatsipata Kiritsitu mikatatsinaki'eriekaki? Xika te'uximatiarieka, xika tete'uka'eniwani, xika te'utaweyarieni, xika teheuhaakakwikuni, xika teka'ukemarini, xika teyekweriwa'itietiwani meta xika tekwi'iwarimeni, miki naiti pikayawe.

³⁶ Kemire'uxa:

«'Ahetsie temitewiyaki tepitakwikwiwa yuheye-meki,
muxatsi memikwaiya wahepai
tepite'anuyehu memehapawa
mehekwi'iwake».

³⁷ Miyatiti naime, kwini mieme tekateni'iwani 'iki tinaiame 'iya mitatsinaki'erie yatatipitiakaku.

³⁸ Ne mipai nepitinemate, tsepa temikwi, tsepa temayeneniere, tsepa niuki tuayamete, tsepa te'aitamete memiyiaka, tsepa tita hiki mitimieme, tsepa tita 'uxa'atini mitimieme, tsepa memitirikawi,

³⁹ tsepa 'amautitewa, tsepa 'amaukatewa, tsepa kemititita mitiunetiarie, miki pikayiwani mitatsipataki Kakaiyari mikatatsinaki'eriekaki, Kiritsitu Ketsutsi mitati'aitiwame kemitatinaki'erie.

9

'Ixaheritsixi kememite'anayexeyarie

¹ Yuri nepaine Kiritsitu hetsie netiwiyaŋi. Nepikati'itawa, ne'iyari nehamatia yakatini-hekiatani 'Iyari Mitiyupata hetsie netiwiyakaku.

² Mipai nepaine, yemeki nepinehiwerie, ne'iyaritsie nepitikwine nekatihayewati.

³ 'Axanemi'itiarieniki Kiritsitu hetsie nekati-wiyaŋi nemayaniki, ne'iwama wahetsiememe, miki meminemarema kememite'utinunuiwa, miki wahetsiememe.

⁴ Miki mekani'ixaheritsixitini. Miki Kakaiyari niwemama mepayeitarie, witsiti'aneme mepite'upitarie, tiratute mepupitarie, 'iniari niukiyari mepupitarie, Kakaiyaritsie mieme 'uximayatsika mepexeiya, yamepote'utahiawarie kememitemikienikekai.

⁵ Tapaapama mepiwa'ukiyarima, watsatata kanimiemetini kemi'ane heitserie mupitarie Kiritsitu hikititi, kemitiunuiwaxi. Miki naime ti'aitame Kakaiyari kanihikitini. 'Aixia ketikuxaxatsiwani yuheyemeki. Mipai xeikia pi'ane.

⁶ Perutsi Kakaiyari niukieya pikayutexie. Yunaiti 'Ixaheritsie memiyeki, miki mepika'ixaheritsixi.

⁷ 'Apirahami hetsie memiyekiki xeikia, yunaiti mepikatiiriyamama. Matsi mipai paine: «'Itsa-haki hetsie memiyekine, miki 'aniwema mekani-tateriwariekuni».

⁸ 'Ipaŋi kani'aneni, tiri waiyarieyatsie memiyeki, miki Kakaiyari niwemama mepikahiki, matsi pita memutinunuiwaxi Kakaiyari kemititahiawixi mitiminikeaitsie, mikititi niwemama mepite'uteriwarie.

9 Kemiti minikekai mipai katinitahiawe:
«Hepaina pauka nepayenení, 'ana Tsara yuniwe
pexeiyaniri».

10 Yaxeikiata 'ana Xewekatsie
yamepíte'iniarikai tiiri, tapaapa 'Itsahaki
muyuxewikai wapaapatikaku.

11 Mekatinunuiwawekaku 'akuxi,
tita 'aixia miti'ane yatini 'axamiti'ane
yamepíkateyuriewawekai 'akuxi para
mitseiriyarieniki tita Kakaiyari mitiyuriemikikai
yatiwaranuyeteixika,

12 kemi'ane miwaruta'ini yatiyuri enekaku, tewi
kemitiyuruwaki pikatixai. 'Ana Xeweka mipai
pitiutahiawarie: «Matsikaya katini'uximayakamiki
yumutatsie mieme».

13 Kemire'uxa: «Nepinaki'eriekai Kakuwu, 'Etsahu
pita nepu'uxiekai».

14 Merikite, ¿kete'utiyuaneni? ¿Kakaiyari
kemikatiheitserie tiyuriene? Matsi pikatixai.

15 Mipairi Muiťsexi pitiutahiawixi:

«Nepinenimaya kemi'ane neminenimayatamiki,
nepi'iwiya kemi'ane nemi'iwiyamiki».

16 'Ayumieme tsepa xewiti yamitiyuwaiyaki
yatini yamitiunanautsaki pika'ayumieme,
Kakaiyari mitiyukanenimayaki kanihikitini
kemi'ane mipai mitiyuriene.

17 'Utiarika niukiyari Parahuni mipai pitikihawe:
«'Ayumieme nepimatsi'anukuketia, 'ahetsie
nemitihekiataniki kenemititirikaiye, naitsarie
kwiepa nemikuxaxatsiwaniki kemi'ane
nemihiki».

18 'Ayumieme kaninenimayaka kemi'ane minenimayatamiki, tse'ime kanayeitiani kemi'ane tse'ime mayeitiamiki.

19 Peru 'eki mipai pepinetikihaweni: «Merikite, ¿titayarikuta tahetsie rahipa 'akuxi? ¿Kepaiki pi'uxiwe'erieka tita miki mitiyuriemiki?»

20 Neuxei: ¿'Ekitsiari kepaiki pepihiki pemita'eiyaki Kakaiyari? «¿Tita mitiutawewiya ketitahawawe kemi'ane mita'iwewaxi: “¿Titayari miyane'aneme penetiutawewi?” 'utaiti?»

21 ¿Tami 'iwewame heitserie karexeiya haxu hepaitsita, xeitapuriyariki mititiwewieniki xeime xari witsimitixeyariekakai, xeimeta 'axamitixeyariekakai?

22 Yaxeikiatatsiere, Kakaiyari matsiikime 'ayeitiamiti kemitiha'a, meta tihekiatamiti kemitiitirikaiyeki, pitunewi waikawa tiuka'eniwati mihekarieniki mi'ayumiemetikai hetsiemieme meta mika'unarieniki miha'aritsiekai hetsiemieme.

23 Mipai pituiyuri mitihekiataniki waikawameki witsikemiti'ane, witsi'aneme 'ayeitiati minenimaya, meripai mikuha'aritia witsi'aneti mayaniki.

24 Tametsi tekanihikitini. Pitatsi'uta'ini, huriyutsixi watsata xeikia pikatixai, matsi memikahuriyutsixi watsatata pitatsi'uta'ini.

25 Kemaine 'Utseyaxi xapayaritsie:
«Miki memikaneteiterimatikai, “neteiterima” nepitiwateriwa.
'Iya mikanaki'eriwakai, “minaki'eriwa” nepititeriwa».

26 «Hakewa mipai memite'utahawarie:

“Xeme xepikaneteiterima”,
mana “Kakaiyari mayeniere niwemama”
mepiteteriwarieni».

²⁷ Kitsariyaxi mipaita katiniuhiwa 'Ixaheri
hepaitsita:

«Tsepaneti 'Ixaheri xiivarimama memiyumiire
haramaratsie mieme xiekari hepai
memiyupaime,
yayupaimeti xeikia mekanitawikweit-
sitiariiekuni.

²⁸ Heye'atiati kemitiwataxanetakekaiki, meta
'imexiitiati
Ti'aitame yakatiniyurimiki kwiepa».

²⁹ Meripaita kemainekai Kitsariyaxi:
«Ti'aitame Naimekimitirikaie
hipame taxiivarima kawaruhayewake,
hiki xiari Tsuruma hepai piraku'anenike,
meta xiari Kumuxa hepai tepeuyewenike».

*Huriyutsixi teiteriyari kememiteheiyehiwa
niuki 'aixia manuyine*

³⁰ ¿Merikite, kete'utiyuaneni? Miki
memikahuriyutsixi memikayumexiitiakaiki
heitserie memexeianiki me'ikuwaitiweti,
miki heitserie mekanupitiarieni. Heitserie
mupitiarieniki yuri ti'erieti nekanixatani.

³¹ 'Ixaheritsixi pita memiyumexiitiakai
heitserie memexeianiki 'iniari niukiyaritsie
metewiyati, miki mepika'i'axixi.

³² ¿Titayariri? Yuri mepikate'eriekai, matsi
kememiteyuriekaiki mepiyumexiitiakai,
'ayumieme mepika'i'axixi. Mepetiketamirixia
«tete miwati'ikamiratsie»,

³³ kemire'uxa:

«Neuxei Tsiyuni hetsie nepikaye tete
 miwati'ikamira,
 tete kimana memekaxiriwe,
 peru kemi'ane yuri miti'erie hetsiena
 pikayutewiyani».

10

¹ Ne'iwama, ne'iyariki 'ipai nepireixeianikayu,
 'ipai nepitiwawirie Kakaiyari miki 'ixaheritsixi
 wahetsiemieme, memitawikweitsitarieniki.

² Nekatinihekiatani kwinimieme Kakaiyari
 hetsiemieme kememiteyumexiitia, matsi 'aixia
 metemaiti mepikayumexiitia.

³ 'Atsimepikatemate heitserie kemitiyupitiwa
 Kakaiyari, yikimana pita mepitekuwautiwe
 heitserie kememiteyupitianiki. 'Ayumieme
 yamepikatekahu Kakaiyari kemaine, heitserie
 miwapitianiki.

⁴ Kiritsitu kanitaparitiani 'iniari niukiyari, yu-
 naiti yuri memite'erie heitserie memipitarieniki.

⁵ Muitsexiri mipai katiniu'utiani, 'iniari niuki-
 yariki heitserie kemirexeiya xatati, mipai 'utaiti:
 «Kemi'ane tewi mipai mitiyurieni, miki kanaye-
 nierekamiki kimana».

⁶ Peru yuri ti'erieti heitserie kemirexeiya, 'ipai
 pita paine: «'A'iyaritsie mipai pepikati'akihaweni:
 “¿Kepaiki taheima panutiyeiwe?” (Kiritsitu man-
 akawitini petiku'eriwati),

⁷ yatini “¿Kepaiki meukatewatsie peukayeiwe?”»
 (Kiritsitu manatiwitini mikite watsata
 petiku'eriwati).

⁸ ¿Matsi kehaine? «Niukiyari kanehuraniri 'aten-itsie meta 'a'iyaritsie». Tita temitekuxata yuri kemiti'erie hepaitsita, miki kanihikitini.

⁹ Mipai paine: xika 'ateniki peti'ahekiatiaka Ketsutsi hetsie petiwiyaTi'aitame kemitihihi, xika 'a'iyariki yuri peti'erieka kename Kakaiyari henukuketia mikite watsata, pekanitawikweitsitariemiki.

¹⁰ Yu'iyariki tewi yuri piti'erie heitserie mipitarieniki. Yuteniki pitiyuhekiatia mitawikweitsitarieniki.

¹¹ 'Ipai paine 'utiarika xapayari: «Yunaiti hetsiena yuri memite'erie mepikayutetewiyani».

¹² Huriyutsixi meta kiriyekutsixi yiki mepika'anene. Yunaime Tiwa'aitiwame kaniyuxewini, waikawa pitiwamikwa yunaiti memitahiawe.

¹³ Kariki «yunaiti memitahiawe Ti'aitame mepitawikweitsitarieni».

¹⁴ Merikite, ¿kemi'anetsie yuri memikate'uta'eri kerimete'itahiaweni? ¿Kehepai yuri meteta'erieni kemi'anetsie 'atsimemikatehetimaiwawe hepaitsitana? ¿Kehepai metehetimani xika 'umaweni kemi'ane mitiwakuxaxatiwani?

¹⁵ ¿Kehepai metekuxatani xika mekaheutani'ariexiani? Kemire'uxa: «Miki memitekuxata kemikati'uximatiarieka yu'iyaritsie, niuki 'aixia manuyine memukuxata, witsike'aneneni wa'ikate».

¹⁶ Matsi yunaiti yamepikatekaki niuki 'aixia manuyine kemaine. Kitsariyaxi mipai paine: «Ti'aitame, ¿kepaiki yuri pitita'eriri tita mitiu'eni yatetekuxatakaku tame?»

17 Tita mitiu'eni mi'axixiki, 'ayumieme tewi yuri pitiuta'eri, mipai katini'enani, tita mitikuxaxatsiwa Kiritsitu hepaitsita mi'axixiki.

18 Matsitsi mipai nepaine: ¿Kamitsi mekate'utaxatiarie? Huu mepite'utaxatiarie.

«Naitsarie kwiepa peutayeixia waniuki,
kwie manuniere paiti kaneta'axiani waxat-sika».

19 Merikite, mipai nepaineta: ¿Kamitsi 'ixaheritsixi yamekatehetima? Merikitsi Muitsexi meri 'ipai paine:

«Xe'itetsakame nepixe'ayeitiani miki nuiwari memikahiki xemiwa'itetsaiyaniki,
xewahekame teiteri 'atsimemikatemaiwawe nepixe'ayeitiani».

20 'Arike Kitsariyaxi kamati 'ipai paine:

«Miki memikanetsikuwautiwekai
mepinetsi'utaxei,
miki nehapaitsita memikaku'iwawakai
wahixie nematsiikiti nekanayuyeitiani».

21 Matsi mipaita paine 'ixaheritsixi wahepaitsita:

«Tukariki nemamá nepeutatserakai
teiteri yamemikatekahu memi'uxiwa'a wa-hepa».

11

Hipati 'ixaheritsixi kememiteyuhayewani

¹ Merikitsi 'ayumieme 'ipai nepaine: ¿Kakaiyari tiwarutixani'eri yuteiterima? Pikatixaitsieti. Netiti 'ixaheritsixi nekanihikitini. 'Apirahami hetsie nepiyetia, Wenikamini nuiwarieyatsie nepimieme.

² Kakaïyari pikawarutixani'eri yuteiterima meripaiti miwamaikai. Kamitsi ¿'atsixekatemate kemaine 'utiarika xapayari 'Eriyaxi xatati? Miki kanitawawirieni Kakaïyari 'ixaheritsixi wahepaitsita, mipai 'utaiti:

³ «Ti'aitame, 'ahetsia miemete 'aniukamete mekaniwarukwini meta mawari taiyame 'ahetsia mieme mekaniuti'una. Ne xeikiari nekaniuyeikani nexaitame, hikita ne mekaneniwautiweni menetsimienike».

⁴ ¿Peru Kakaïyari ketita'ei? Mipai pitita'ei: «Nehetsiemieme 'atahuta miriyari nepuwatiyatsa teiteri, memikakatunuma'uiwawe Wahari hixie».

⁵ Mipairi yaxeikia hikita mepiyuhayewaxi hipati memanayexeiyarie Kakaïyari 'aixia kemitiuka'iyariki.

⁶ Xika 'aixia mitiuka'iyariki mehanayexeiyarieni, tixaiti memite'uyuriki mepika'anayexeiyarie. Metsi, 'aixia kemitiuka'iyari, xika tixaiti mete'uyurieka me'anayexeiyarienike, miki pita 'aixia pikatiuka'iyarinikayu. Xikate me'anayexeiyarienike tixaiti memite'uyuriki, 'aixia tiuka'iyariti pikawaranayexeiyakeyu. Metsi, kememite'uyuriki, xika 'aixia tiuka'iyariti waranayexeiyake, miki pita tixaiti mepikateyurienikayu.

⁷ ¿Keti'aneniri? 'Ixaheritsixi mepika'itaxeitita memitekuwautiwekai. Miki memanayexeiyarie pita mekanitaxeiya. Hipati miki metsetse'iti mekanakine,

⁸ kemire'uxa:

«Kakaïyari 'iyari miyi'iraxie kaniwarupitiani,

hixi tiwarupitiata kimana
 memikaheuneniereniki,
 naka tiwarupitiata kimana
 memikaheu'enanakaki,
 hikita yaxeikia».

⁹ Meta Rawiri mipai paine:

«Mexatsie kepauka memite'apika, 'ipari ke'ayani,
 winiyari ke'ayani wahetsiememe,
 Meke'utiketamirixiani muwa,
 'amemite'apine hepai mekete'epinirieni.

¹⁰ Wahixi ke'akipire memikaheuneniereniki,
 me'anakatututsiti meke'akine yuheyemeki».

Memikahuriyutsixi kememitetawikweitsitiarieni

¹¹ Merikitsi mipai nepaine, ¿Kamitsi
 mehetiketamirixiaka mehekaxirieka yuheyemeki
 mekate'anuku'uiwawe? Pikatixaitsieti.
 Matsi miki 'axamemite'uyuriki, miki
 memikahuriyutsixi mepitawikweitsitiarieni,
 huriyutsixi memi'itetsaniki.

¹² 'Axamemite'uyuriki, kwiepa memitama
 waikawa kememite'upitiarie, miki
 memika'uyiwekaxiaki memikahuriyutsixi
 waikawa kememite'upitiarie, matsi waikawa
 mektenipitiariekuni 'akuxi kepauka
 memaye'axiani huriyutsixi.

¹³ Ne mipai nepitixekihawe xeme
 xemikahuriyutsixi, ne kenemireni'arie
 memikahuriyutsixi wahetsia, 'aixia nepaine
 nehiritiarika hepaitita,

¹⁴ tsiparatsi xika neyiweni nemiwa'itetsatianiki
 ne'iwamarixi, para mipai nemiwatawikweitsitianiki
 hipame miki.

15 Miki memixani'eriwaki, kwiepa memitama mekaniupatsieni 'aixia memitexeyarieniki. ¿Matsi waikawa 'akuxi katiyini kepauka memitanaki'eriwatsie? kwiepa memitama mepanutaneniere mikite watsata.

16 Xika mexiakame paa Kakaiyaritsie mieme 'upatsieni, yaxekiata naiti paa yakatinipatsiemiki. Nanayari xika Kakaiyaritsie mieme 'upatsieni, mamateyata kanipatsiemiki.

17 Hiki hipati mamateya mekaneukumurixiani, 'eki huriwa yeuta mieme pehikititi, watsata peka-neukuyerieneni, hikiri huriwa kiyeyari nanayaritsie mieme hayari kemirakaka pe'ietu pekanayani wahapai.

18 Ayumieme mamateya pepikawatawe'erieka. Xikari pewatawe'erieka, yaketinemaika 'eki nanayari pepika'ayenieritia, nanayari pita pimetsi'ayenieritia 'eki.

19 'Ekiri mipai pepitayini: «Mamateya peukumurariexia nemeukuyerieniki ne».

20 Merikite. Peru miki yuri memikate'eriekaiki, 'ayumieme mepeukumurariexia. 'Ekitsi yuri pemiti'erieki pepeukuyerie. Pepikayuta'ireni kepemiti'amate, matsi keneumaka.

21 Kakaiyari xikari mamateya yikimana meukunexia kawaruhayewa nanayaritsie memitewiyaniki, tietita 'eki mikamenuhayewaxi miki nanayaritsie pemitiwiyaniki.

22 'Ayumieme kene'a'iwia Kakaiyari 'aixia kemitiuka'iyariki meta kemititse'iki: Kanitse'ikaitini memakaxiri wahepaitsita, 'aixia katiniuka'iyarini 'ahepaitsita xika pe'ahayewani

'aixia tiuka'iyarikaku Kakaiyari. Me xika katixaitini, pekananuwitekiemiki 'ekita.

²³ Mikirita xika yuri mekate'erieti mekayuhayewani, miki mepeukuyatsarieni. Kakaiyari tirikariya kanexeiyani tawari miwareukuyatsaki.

²⁴ 'Ekiri huriwa yeuta mieme mutinuiwaxitsie pemiemetiti pekananuwitekieni, harawerita mieme huriwa hetsie pekaneukuyerieni kepemikatiunuiwaxi. Matsi yemeki miki mamateya miki huriwatsie memimiemete mekaneukuyatsariekuni yikiyeyaritsie.

*'Imatirieka kememitetawikweitsitarieni
'ixaheritsixi*

²⁵ Ne'iwama, yaki xeikia kapa temaiwawemete xeyu'eriekaki, pikanetsinakenikeyu xika xekaitimanike 'iki niuki muti'awietsiekai. Hipati xeikia 'ixaheritsixi metsetse'iti mekanakine, mexi yunaiti memikahuriyutsixi meka'aye'axiawawe.

²⁶ Mipai tiyiyu, yunaiti 'ixaheritsixi mekanitawikweitsitariiekuni, kemire'uxa:

«Tiyuwikweitsitiwame Tsiyunitsie kaniyeyeimiki,
Kakuwu 'axamitiyurieneki kanipatamiki.

²⁷ 'Ipai nekatiniwawewiriemiki tiratu
kepauka nemiwanawairieni tita
'axamemite'uyuri».

²⁸ Niuki 'aixia manuyine kemitikuxaxatsiwa, miki mekaniu'uxiwa'ani, xeme 'aixia xemi'itarieniki. Peru kememite'anayexeiyarie, Kakaiyari piwanaki'erie wapaapama miwanaki'eriekaiki.

²⁹ Kakaiyari pikayupata kemitiwamikwa meta kemitwa'inie.

³⁰ Xemetsi meripaiti keyaxemikatekahukai
Kakaiyari hetsie, peru hiki kexemitenenimayatsie
mexi miki yamekatekahu,

³¹ yaxeikia miki hiki yamepikatekahu mexi
xenenimayatsie xeme, mikirita hikirixia
meminenimayatsiekaki.

³² Kakaiyari yunaime kaniwayetu-
ani yamemikatekahuniki, yunaimeta
miwanenimayakaki.

Kakaiyari pumariwe

³³ Ketimariwe, Kakaiyari waikawa kemirexeiya,
kemitimaiwe, waikawa kemitimate.
Ketiutexie tewi 'i'iniatati kemitiyikihawe
yamitiyurieniki Kakaiyari,
yatini huyeteya metimani pikayiwe.

³⁴ «¿Kepaiki pitimate Ti'aitame kemitiyumate,
yatini kepaiki 'i'ixatsitiwameya payeiwe?»

³⁵ «¿Kepaiki Kakaiyari pitimikwa meri,
Kakaiyari mirekapitianikita?»

³⁶ Naiti hetsiana katinayeneikani,
'akatiniuweni miki tikuyuitiwakaku, meta
hetsiena katinimietini.
Miki 'aixia ketikuxaxatsiwani yuheyemeki. Mipai
xeikia kani'aneni.

12

Kemireuyewetse yamitiyurieneniki Kakaiyari hetsiemieme patsieti

¹ 'Ayumieme, ne'iwama, Kakaiyari
mitiyukanenimayaki, mipai nekatini-
xewawirika, xemiyetuaniki yuwaiyari mawari
mayaniki mayeniere, mipatsie, minake Kakaiyari.

Miki 'uximayatsikaki xekaneyexeiyakakuni 'iyaritsie mimiemeke.

² Miki hiki kwiepa memitama xepikawa'ikeni, matsi yiki xe'aneneti xekenakini xetihehekwareme kexemiteku'eriwa. Mipai xeteyurieti heitseriemeki xekaneitimaikuni tita mitinake Kakaiyari, tita 'aixia miti'ane, titaki mitinaki'a meta naimeki 'aye'ati.

³ Kakaiyari 'aixia mitiuka'iyariki nehetsiememe, 'ayumieme mipai nepitixekihawe yuxexuiti yuhetsia xemetitei, xepika'anuyehaitiriweni yaxeteyikihaweti yuhepaitisita kemikareuyewetse yaxemiteyikihaweniki. Matsi yaxeketenyikihaweni para 'aixia xemiteyumaikaki pita, yuxexuiti Kakaiyari kemitixe'u'iniatsiri yuri xemite'eriekaki.

⁴ Tawaiyari kaniyuxewiriyani, peru hetsiena mitimieme katinimiireni. Xexuiti yiki piti'ayumiemete.

⁵ Tameta temitamire, xeiwaiyari tekanihikitini Kiritsitu hetsie tetewiyati. 'Axeikia taxexuiti hetsiena tekateniwiyani.

⁶ Yiki tekateniumikiwani, Kakaiyari 'aixia kemitiuka'iyariki taxexuime tahetsiememe. Xika mipai tete'umikieni texaxatamete temakineki, kepaimekeki yuri ketemite'erie yatepitekuxata.

⁷ Xika teteparewiwametetini, 'aixia tepitewaparewieka, xika tete'ikitametetini, 'aixia tepite'ikitani,

⁸ xika tetetutuikametetini, tepiwatuikani. Kemi'ane mitiwamikwa, 'aixia 'iyariki ketiwamikwani, kemi'ane miti'aita, yapitiumexitia,

kemi'ane miwanenimaya hipame, yutemawieti yaketi yurieneni.

Kiritsitu teiterimama keyamemitekahuni

⁹ Yaki xeikia xekayati xeketenyukanaki'erieka. Xe'ixeimati tita 'axamiti'ane, tita 'aixia miti'anetsie xeketenewiyani.

¹⁰ Kexemitewanaki'erie yu'iwamarixi, yu'iyariki xekeniwahiwe'erieka. Yuxexuiti matsi 'aixia xeketenyuxeiyani meta 'aixia xeketenayihaweni.

¹¹ Xepikayi'iraxieka kexemiteyumexiitia. 'Aixia 'iyariki xekeneyuwairiyani. Xeketene'uximayaka Ti'aitame hetsiemieme.

¹² Yuri kexemite'erie xeta'ikwewati, xekeneyutemamawieka. Kexemite'uximatiarie, xeketeneuka'eniwani. Kexemiteyunenewie, xepikatehayewani.

¹³ Kakaiyari teiterimama kememiteheiyehiwa, xekeniwaparewieka. 'Aixia 'anemeki xekeniwapitiaka memixe'iwata.

¹⁴ 'Aixia xekeneutiyuaneni miki memixe'uweiya wahapaitsita 'aixia memi'itiarieniki. 'Aixia xekeneutiyuaneni, tixai para 'axamemi'itiarieniki.

¹⁵ Memiyutemamawie wahamatia xekeneyutemamawieka. Memutitsuana wahamatia xekeneutitsuanani.

¹⁶ Yaxeikia xeketenyikihaweni yuhepaitsita yuxexuiti. Xepika'anuyehaitiriweni kexemiteyumate, matsi tixaiti memikatehiki wahamatia xekeneu'uwani. Yaki xeikia xeteku'eriwati, xetemaiwawemete xepikayu'erieka.

17 Nixeime 'axaxepikate'apiniriekā miki
'axaxe'uyuriekū. Xeketenekuwawa 'aixia
xemiteyuriekaki yunaime teiteri wahixie.

18 Xika xeyiwaweni, kexemiteyurie xeme,
kayuwati xeketeneteni yunaime teiteri
wahamatia.

19 Nenaki'erima, yuhetsiemieme
xepikayukwitiwēni, matsi xeketenehayewani
Kakaiyari pita miwahekaniki. Mipai pire'uxa: «Ne
xehetsiemieme nepinēmieneni, 'anepirapika ne,»
kanaineni Ti'aitame.

20 Matsitsi,
«Kemi'ane mimatsi'aye'unie xika heuhaakamikini,
ketineumikwa,
xika heuharimikini, keneuharitia.
Mipai petiyurieneti pekanihiweritiamiki mipai
mitiyumaikaki kemi'ane mutewiyatsitiarie
hepai».

21 Xepika'ipitiaka tita 'axamiti'ane
mixeha'iwaniki, matsi tita 'axamiti'ane
xekena'iwani, 'aixia xeteyurietī pita.

13

1 Yunaiti yameketekahuni kememite'aita miki
heitserie memexeiya memite'aitaniki, miki
waheima memukayatsarie. Tewi heitserie
pikahexeianikeyu miti'aitaniki, xika Kakaiyari
ka'ipitianike. Miki heitserie memexeiya hiki
memite'aitaniki mekateni'aitiarieka, Kakaiyari
tiwa'aitiakaku.

2 'Ayumieme kemi'ane meye'unie kwiepa
ti'aitame, miki kaneye'unieka tita Kakaiyari
mitiuta'aitaxi. Miki memeye'unie yikimana
mekananuyutaxirikuni.

3 'Itsikate mepikahiki kemi'ane 'aixia mitiyuriene memimariutaniki, matsi kemi'ane 'axamitiyuriene pita memimariutaniki mepi'ayumiemete. ¿Pereuyeimiki peka'imakati kemi'ane heitserie mexeiya ti'aitakaku? Merikite, 'aixia ketineyurieneni. Mikiri 'aixia paineni 'ahepaitsita.

4 Kakaiyari parewiwameya kanihikitini 'aixia pemi'itiariniki. Mexika 'axapetiyurieneni, keneumaka. Yaki pikahekwe'e 'ixipara. Kakaiyari parewiwameya kanihikitini haxiaki mirepinirieniki kemi'ane 'axamitiyuriene.

5 'Ayumieme peuyewetse yamitikamieniki miki kemiti'aita, pemikatiuka'eniwaniki xeikia pikatixai, matsi yu'iyaritsie 'aixia mitiyumaikakita pita.

6 'Ayumiemerita xepiteyutua xemixixininiki. Miki Kakaiyari parewiwametemama mekanihikitini, mikiki mekani'ayumiemetetini.

7 Xeketeneyutuaka xexuime hetsiemieme kemiti'ayumiemek. Xekene'itia kemi'ane meuyewetse xemi'itianiki xemixixininiki. Xekene'itia kemi'ane meuyewetse kuwiyexinu tuminieya xemi'itianiki. 'Aixia xeketenexeiyaniki kemi'ane meuyewetse 'aixia xemite'ixeiyaniki. 'Aixia xeketenahiaweni kemi'ane meuyewetse 'aixia xemitehehiaweniki.

Kemitikamieni yu'iwa hepaitsita

8 Xeime xepikate'apinirieka. Peuyewetse xeikia xemiyunaki'eriekaki pita. Kemi'ane minakierie xeime, miki kaneye'atianiri 'iniri niukiyari.

⁹ Miki niuki: «Xeime 'iyaya pepikakumaiwani»,
 «Pepikati'amemiwani», «Pepikatinawayani»,
 «Peti'itawati pepikatihekiatani»,
 «Pepikati'akahiwe'erieka», xewiti 'aitsika
 xika xuawenita, miki naiti kaniyutaxewireni
 'iki niukiki: «'Ahepai tewi kenenaki'erieka
 kepemiti'anaki'erie 'eki».

¹⁰ Xika 'inaki'erieka yuhepai tewi,
 pika'i'uximatia. 'Ayumieme naki'eriya
 kaneye'atiwani 'inari niukiyari.

¹¹ Miki meta, xekanimaikari 'iki tukari.
 Hikixia kanaye'aniri xemanutaneniereki xekut-
 suti. Hiki kanehuraniri temitawikweitsitarieni,
 kepauka yuri temite'uta'eri pikahehurakai hiki
 hepai.

¹² Tikari pitixixime, tukari kanehuraniri.
 Hiki 'ayumieme teke'iku'eirieni tita teiteri
 memiteyurie yiwipa timieme. Kuya kemarieya
 teke'anakatikini hekariipa mieme.

¹³ 'Aixia 'anemekiki teke'u'uwani hekariipa
 memu'uwa wahepai teyati, teka'ixiaratiweti,
 tekatariweti, hipame tekawakumaiwati,
 tekarukutsixititi, tekaheta'eririyati meta
 teka'itetsati.

¹⁴ Matsi xekenanakatikini kemi'ane Ti'aitame
 Ketsutsi Kirititu mihiki. Xepikayuha'aritiaka
 yaxemiteyuriekaki kememite'ukahiwe'erie teiteri
 wahepai xete'u'iyariti.

14

Miki memiwerarani yuri kememite'erie

¹ Xekeneutanaki'erie kemi'ane miwerani yuri kemiti'erie, peru niuki xemixiatiakaki kemitiku'eriwa hepaitsita pikatixai.

² Xewiti yuri katini'erieka kename yiwe naime mitikwakaki, xewitita miwerani titsitsirawime xeikia pitikwa'a.

³ Kemi'ane naime mitikwa'a pika'itawe'erieka kemi'ane naime mikatikwa'a. Kemi'aneta naime mikatikwa'a pika'iniukimaka kemi'ane naime mitikwa'a, Kakaiyari yunaime miwarutanaki'eriki.

⁴ ¿'Ekitsi kemi'ane pepihiki peminiukimani? Kemi'ane xeimetsie mieme miti'uximaya? Yukut-siyari hiripa 'axika'uweni yatini xika 'atiweni. Matsi 'apuwenikayu. Kutsiyarieya tirikariya mex-eiya 'amitaketianiki.

⁵ Miki meta, xewiti tukarite yiki 'aneneme kani'erieka, xewitita naiti tukari yaxekia 'anen-eme kani'erieka. Yuxexuiti yu'iyaritsie heit-seriemeki mipai meketeyumaika.

⁶ Kemi'ane tukari waikawa meuyewetse ma'eriwa, Ti'aitame hetsiemieme yianeti kana'eriwani. Kemi'ane mitikwa'a, Ti'aitame hetsiemieme yianeti katinikwaka, pamipariyutsi Kakaiyari kanipitiaka. Kemi'ane mikatikwa'a, mikita Ti'aitame hetsiemieme yianeti pikatikwa'a, pamipariyutsi Kakaiyari kanipitiaka.

⁷ Xewiti tame yuhetsiemieme xeikia pika'ayeniere, yuhetsiemieme xeikia pikamini.

⁸ Xika te'ayeneniereni, Ti'aitame hetsiemieme tekanayeneniereni. Xika te'ukwini, Ti'aitame hetsiemieme tekanikwikuni. 'Ayumieme tsepa temayeneniere yatini tsepa temukwi, Ti'aitame

hetsia tekanimiemetetini.

⁹ 'Ayumiemeta Kiritsitu kaniumini meta kananutaniere, miki memukwi meta memayeneniere tiwa'aitiwame mayaniki.

¹⁰ ¿'Ekiri titayari petiniukima 'a'iwa? ¿'Ekitari, titayari petitawe'erie 'a'iwa? Tanaiti Kakaiyari 'uwenieya hixie tekaniuti'uikuni.

¹¹ Mipai pire'uxa:

«Ne nekanayeniereni —kanaineni Ti'aitame—,
nehixie yunaiti mepikatunuma'uni,
meta yunaiti yutetaki 'aixia Kakaiyari
mekatenihekiatakakuni».

¹² Hiki 'ayumieme taxexuti tahetsiemieme tepitiniuni Kakaiyari hixie.

¹³ 'Ayumieme tepikataniukimatiweni. Matsi 'ipai pita xeketenyumaika, xemikaheikahianiki titatsie mititiketamire xe'iwa, meta titaki miratiweni.

¹⁴ 'Ipai nepitimate, Ti'aitame Ketsutsi hetsie netiwiyati 'ipai yuri nepiti'erie, tixaiti xika kati'itiyaka, yikimana mipai pika'ane. Matsi xeikia, kemi'ane ka'itiyakame mi'erie, miki hetsiemieme pika'itiya.

¹⁵ Xika 'a'iwa 'uheiweritarieni 'a'ikwaiki, 'eki pe'inaki'erieti pepikayiane. 'A'ikwaiki pepika'ika'unani kemi'ane hetsiemieme Kiritsitu mumi.

¹⁶ Tita xehetsiemieme 'aixia miti'ane, xepika'ipitiaka 'axamitikuxaxatsiwaniki.

¹⁷ Kakaiyari 'i'aitiakaku xika tewi 'a'uyeikani, tsepa mitikwa'a tsepa miranuye'e, heitserie kaniupitarieni, yu'iyaritsie pika'uximatiarie, kaniyutemawieka 'Iyari Mitiyupata hetsie tiwiyati.

18 Kemi'ane mipai tiyurieneti miti'uximaya Kirititu hetsiemieme, Kakaiyari kan-inaki'akamiki miki hepaitsita, teiterita mekaneitimaikuni 'aixia kemitiyuriene.

19 'Ayumieme tame tekanitamexiitiaka kimana ta'iyaritsie temika'uximatiariekaki, kimana 'axeikia temitatseiriyani tanaiti.

20 'Ikwaiki pepika'ika'unani tita Kakaiyari mitiuyuri. Naitiri katini'itiyaka, peru 'axapiyini xika tewi tikwati 'itiketamira xeime.

21 'Aixia piyinikeyu matsi xika wai pekakwa'anike xika winu peka'anuye'enike, xika tixaiti pekatiyurienenike kimana 'a'iwa matiwauteseniki mitiketamireki mitaweranareki.

22 Yuri kepemiti'erie, 'akimana yaketineku'eriwani Kakaiyari hixie. Kaniyutemawieka kemi'ane yuhetsie mikarahipa mipai 'aixia 'aneme 'eriet.

23 Kemi'ane muyuxamurie yiki tiku'eriwati, miki tita mitikwa'a hepaitsita kananutahiyaniki, yuri ti'eriet mikayianeki. Naime mitiyurieneki yuri kemikati'erie, 'axakatiniyurieneni.

15

1 Kaneuyewekani tame temiyiwawemete teminewieniki titaki memikateyiwawe miki memiwerarani. Taxaitame xeikia teminaki'akaki tepikayia.

2 Taxexuiti tekeyiaka tahepai tewi pita minaki'akaki, 'aixia mi'itiarieniki mitseiriyarieniki.

3 Kiritsitu yuxaitame xeikia minaki'akaki pikayianekai, matsi kemire'uxa: «Nehetsie xeikia katininakeni memimatsi'aye'unie watierika».

4 Naiti meripaiti mitiuti'utiarie, temiteti'ikitiarieniki katiniuti'utiarieni, para tete'uka'eniwati 'utiarika xapayari tatsinitiakaku yuri temite'eriekaki teta'ikwewati.

5 Miki Kakaiyari mipai mitatikupitiwa temite'uka'eniwaniki teminitiarieniki, miki kexepitiaka yaxeikia xemiteyumaikaki yunaiti, Kiritsitu Ketsutsi xe'iketi,

6 'axeikia xetitayariki xe'utiniuti 'aixia xemutiyuaneniki kemi'ane Tati'aitiwame Ketsutsi Kiritsitu mikakaiyarieya mi'ukiyarieya hepaitsita.

7 'Ayumieme xekeneyutanaki'eri yunaiti, Kiritsitu mixe'utanaki'eri hepai, Kakaiyari 'aixia mitikihawariwaniki.

8 'Ipai nepaine, Kiritsitu miki xitekiya 'iniariyari memexeiya waparewiwame kanayani, matsiikime meyeitianiki yuri kemaine Kakaiyari, mitatseiriyakita meripaiti tatutsima kemitiwarutahiwixi kename metemikienikekai,

9 mikita memikahuriyutsixi 'aixia xemutiyuaneniki Kakaiyari hepaitsita muwanenimayaki, kemire'uxa:

«'Ayumieme ne 'aixia nepaine 'ahepaitsita nuiwarite watsata,

meta niawari 'ahetsiemieme nepitikwika kepemititewaki».

10 Tawari mipai paine:

«Nuiwarite xekeneyutemamawieka Kakaiyari teiterimama wahamatia».

11 Tawarita:

«Nuiwarite yunaiti kwiepa xemitama, Ti'aitame
'aixia xeketenahiaweni.

Yunaiti teiteri kwikari hetsiena mieme
xekeneutikwikani».

¹² Tawari Kitsariyaxi mipai paine:

«'Itsahi nanarieya kanetiyiramiki,
miki kananukukemiki nuiwarite
mitiwata'aitianiki,

hetsiena teiteri meta'ikwewati mekanakinikuni».

¹³ Kakaiyari mitiyupitiwa tita xemitetakwewie
yuri xete'erieti, miki kexehiniyani naimeki
xemiyutemamawiekaki yu'iyaritsie
xemika'uximatiariekaki mexi yuri xete'erie, matsi
waikawa yuri xemite'eriekaki xeta'ikwewati,
'Iyari Mitiyupata xetirikariyakaku.

Papuru, memikahuriyutsixi tiwaxaxatiwame

¹⁴ Neri yuri nepiti'erie ne'iwama xehepaitsita,
kename yikimana xehipine 'aixia xeteyurieti,
kename naime xetemate, kename xeyiwawe
xemiyu'imaiyaniki.

¹⁵ Hipame xapayaritetsie nekweriwa'aneti
nepitixe'uta'utiiri, tawari nexehaye'eritiwati
hepaitsitana, Kakaiyari 'aixia tiuka'iyariti mipai
minetiumiki,

¹⁶ Kiritsitu Ketsutsi parewiwameya nemayaniki
memikahuriyutsixi wahetsiemieme, mawari
wewiwame hepai neti'uximayati Kakaiyari
niukieya 'aixia manuyine hetsiemieme, miki
memikahuriyutsixi mawari memakineki
memitanaki'eriwaki, Kakaiyari hetsiemieme
memipatsieniki 'Iyari Mitiyupata yatiwap-
atakaku.

17 Hikitsiri Kiritsitu Ketsutsi hetsie netiwiya
nekaniiweni 'aixia nemitinekiiaweniki
nehapaitsita, tita Kakaiyari mitiyuriene nexatati.

18 Nepima tixaiti nemitikuxataniki, tita
Kiritsitu mitiuyuri yanetiuriyenekaku ne miki
xeikia nepikuxatani. Yanetiuriyenekaku, miki
memikahuriyutsixi yametekahuti mekanakine,
ne'utaniukakaku meta neti'uximayakaku,

19 tirikariya nehexeiyakaku 'iniarite
mamariwawemeki mitiyiniki, tirikariya
nehexeiyakaku Kakaiyari 'Iyarieya hetsia
miemeki. Kerutsareme neheyeyaka 'Iririku
paiti neheuyeyuneka nekanaye'ani yemeki
netikuxatati niuki 'aixia manuyine Kiritsitu
hepaitsita,

20 'ipai netinemexitiati, niuki 'aixia manuyine
nemukuxataniki hakewa kemi'ane Kiritsitu
mihiki mikahetaxatsiewetsie xeikia, kapa ne
xeime tenarieya heima ne'anukiiniki.

21 Matsi mipai kemire'uxa:

«Miki 'atsimemikate'utahiawarie hepaitsitana,
miki mekanixeyakuni,
hepaitsitana memika'u'enana mekaneiti-
maikuni».

22 'Ayumieme miixa nepukunuitiarie
nemikaxe'iwatamieki.

Papuru kemireuyeimikikai Xuma paiti

23 Hikiri 'uwa pumaweri hakewa
nemire'uximayaka. Miixa wiyari waikawa
nepeuyeimiki nemixe'iwatamieki

24 kepauka 'Itsipaniya nemimietsie.
Ne'uyemieti nepixexeyamiekaku. Xemeta mana

xeminetsiparewieniki nemeta'aniki, yapaimexia
'etsiwa xehetsia netemawieritariyeu.

²⁵ Matsi hiki Kerutsareme nepiyemie parewiya
newayetuirienike Kakaiyari teiterimama.

²⁶ Matseruniyatari 'akaiyatari
mekaniyuwaiiya 'axeikia tixaiti
memitewaminiki miki tixaiti memikateheuxeiya
Kakaiyari teiterimama Kerutsareme memetitei.

²⁷ Mipai mekateniyuwaiiyani, ka-
neuyewekata mipai memitewarapinirieniki.
Memikahuriyutsixi miki wahepai meheixeyati
memakiki 'Iyaritsie timieme. Peuyewetse mikitari
memiwaparewieniki wawaiyaritsie timieme
hepaitsita.

²⁸ Ayumieme 'iki ne'aye'atiame, 'iki wa'imikieri
newayeturieme, nekanayeyeimiki, xehetsia
nekanekuyeimiki 'Itsipaniya nemeta'aniki.

²⁹ Xehetsia kepauka nemeta'ani, nepitimate ne-
munuani nehineti niuki Kiritsitu hepaitsita 'aixia
manuyine hetsie timiemeki 'aixia xemi'itarieniki.

³⁰ Ketsutsi Kiritsitu mitati'aitiwameki,
'Iyari mitatsipitiaki temitetakanaki'eriekaki,
mipai nekatnixewawirieka ne'iwama,
xeminetsiparewiekaki nenewieri xe'ipitiati
Kakaiyari nehetsiemieme

³¹ nemitawikweitsitarieniki, Kureya
memitama yamemikatekahu 'ax-
amemikanetsiyurieniki, 'aixia 'anemeki
memenunakeki Kakaiyari teiterimama,
kenemitiwaparewieni Kerutsareme hetsie,

³² para xehamatia nemi'uxipiekaki kepauka
nenetemawietu nemeta'ani xehetsia, kemitinake
Kakaiyari.

33 Miki Kakaiyari mitatsipitia ta'iyaritsie temika'uximatariekaki, miki ke'uyeikani yunaime xehamatia. Mipai xeikia nepaine.

16

Kemitiwawairitiakai

¹ Nekanixehekiatiaka ta'iwa 'uka Pewe mititewa, miki tiparewiwame kanihikitini Tsenikireyatsie memiyutixexeiriwa wahetsia.

² Xekeneutanaki'eri Ti'aitame hetsie xetewiyati, kemireuyewetse Kakaiyari teiterimama memiyutanaki'erieniki. Xekeneuparewi xika tixaiti reuyehiaka xehetsia. Miki tiparewiwametiti kaniwaparewieka yumireme, neta kaneniuparewieni.

³ Xekeniwawairitiaka Pirititsira meta 'Akira mame. Nehamatia mepite'uximaya Kiritsitu Ketsutsi hetsie tetewiti.

⁴ Nemayeniereniki ne, mekaniukw-eriwa'itarieni mekaniukwi'iwatima. Ne nexaitame pamipariyutsi nepikawapitia, matsi yunaiti memiyutixexeiriwa memikahuriyutsixi pamipariyutsi mepiwapitiata nehamatia.

⁵ Wakiita memiyutixexeiriwata xeke-newawairitiaka. Xekenewairitiaka 'Epainetu neminaki'erie. Miki meri 'atsiyatari watsata peu'itsanarie Kiritsitu hetsiemieme.

⁶ Xekenewairitiaka Mariya, waikawa miti'uximayakai xehetsiemieme.

⁷ Xekenewawairitiaka 'Anituruniku meta Kuniyaxi mame, nenuiwari hetsie memimiemete nehamatia memanutaxiriya.

Miki 'aixia mepitematiwakai ni'ariekate watsata. Kiritsitu hetsie mepitewiyakai ne hetsiena nekatiwiyawekaku 'akuxi.

⁸ Xekenewairitiaka 'Amupiriyatu neminaki'erie Ti'aitame hetsie netiwiya.

⁹ Xekenewawairitiaka 'Uruwanu, tahamatia miti'uximaya Kiritsitu hetsie tetewiyakaku, 'Itsitaki mame neminaki'erie.

¹⁰ Xekenewairitiaka 'Aperexi, waikawa mi'iniatsie Kiritsitu hetsie tiwiya.

Xekeniwawairitiaka 'Aritsitupuru kie miemete.

¹¹ Xekenewairitiaka Heruriyuni, nenuiwaritsie mimieme.

Xekeniwawairitiaka Narutsitsu kie miemete, keyupaimeti Ti'aitame hetsie memitewiya.

¹² Xekeniwawairitiaka Tiripina meta Tiriputsa, mame Ti'aitame hetsie metewiya memite'uximaya.

Xekenewairitiaka Peritsira minaki'eriwa, waikawa miti'uximayakai Ti'aitame hetsie tiwiya.

¹³ Xekeniwawairitiaka Xupu, manayexeyarie Ti'aitame hetsie tiwiya, maamaya mame nemaama hepai minetixeyakai.

¹⁴ Xekeniwawairitiaka 'Atsinikiritu, Pirekuni, Herimexi, Patiruwa, Herima meta hipame 'iwamarixi wahamatia memu'uwa.

¹⁵ Xekeniwawairitiaka Pirurukuxi, Kuriya, Nereya meta 'iwaya 'uka, 'Urimipa meta yunaiti Kakaiyari teiterimama wahamatia memu'uwa.

¹⁶ Xekenyuwairitiaka Kakaiyari hetsia kexemitemiemete.

Yunaiti Kiritsitu hetsia miemete naitsarie
memiyutixexeiriwa mepixewairitia.

17 Ne'iwama, mipai nekatnixewawirieka,
xekeniwaxeiyani miki hixiata memixetsana
memixeti'ikamira, miki keyaxemikate'uta'ikitiarie
meteyurieti. Xekeneyupata miki wahepaitsita.

18 Tati'aitiwame Kiritsitu hetsiemieme
mepikate'uximaya miya memi'anene,
yuhuriepa mieme pita mepite'uximaya. 'Aixia
me'utiyuati peru yaki xeikia, witsimete'uniuti
mepitewa'iriwiya miki tita 'axamiti'ane
memikateku'eriwa wa'iyari.

19 Xeme kexemitekahu mekatenetimaniri
yunaiti. 'Ayumieme xehepaitsita nepinetemawie.
Mipai pinetinake, xemitemaiwaweniki 'aixia
xeteyurieti, xemika'inikaki tita 'axamiti'ane.

20 Miki Kakaiyari mitatsipitia ta'iyaritsie
temika'uximatiariekaki, miki Kauyumarie
xe'ikatia kanitaketsimiki kwitiwa.

Tati'aitiwame Ketsutsi 'aixia ketiuka'iyarini xe-
hetsiemieme.

21 Timuteu, nehamatia miti'uximaya
kanixewairitiaka, meta Rutsiyu, Katsuni,
Tsutsipateri, nenuiwaritsie memimiemete.

22 Ne, Teritiyu, 'iki xapa nemaka'utia,
nepixewairitia Ti'aitame hetsie netiwiya.

23 Kayu kanixewairitiaka, kemi'ane hetsia
ne nemi'axe meta yunaiti memiyutixexeiriwa
hetsiana.

'Eratsitu meta kanixewairitiaka, kiekatari
watumini hiweme, ta'iwa Kwarutumati
kanixewairitiaka.

²⁴ Yunaime xehetsiemieme Tati'aitiwame Ketsutsi Kiritsitu 'aixia ketiuka'iyarini.

²⁵ Miki kaniyiweni mixetuikaniki, kemaine niuki 'aixia manuyine nemikuxata, xatsika Ketsutsi Kiritsitu hepaitisa kemaine. Katinikux-axatsiwani kemaine niuki 'iya mitahekiataxi. Miki niuki miixa kaniuti'awietsiekaitini,

²⁶ hikirixia matsikiti kanayani. Kakaiyari niukametemama wa'utiarika ya'utainekaku, kemitiuta'aitaxi miki Kakaiyari yuheyemeki 'amuyeika, kaniwarutahekiatiani yunaime nuiwarite para yamemitekahuniki yuri mete'eriet.

²⁷ Miki Kakaiyari muyuxewi mitimaiwe, witsiketikihiawariwani Ketsutsi Kiritsitu hetsiemieme yuheyemeki. Mipai xeikia kani'aneni.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3